

崇雅堂詩鈔

崇雅堂詩鈔卷九

仁和 胡敬 以莊

魏倉伯購得翟氏書巢倡酬詩卷裝成屬題卽用卷中齊

息園前輩夢游高明寺東山韻

按書巢爲翟文靖江齊名

鯨因五侯調車藉羣輻湊馨香啟楠匣光怪發圭竇模糊錦裂
罅剝落石穿溜想當吮麟毫各自濡鳳味或如垂露垂或似瘦
金瘦草堂背沙河阜亭面瑤岫軒窗集裙屐展文酒連宵畫心期
愜素襟意匠出奇構聯吟勝絲竹飽德厭文繡瑣屑箋蟲魚瑰
異摹篆籀數椽寄閒適萬象逞馳驟耆齡歌薤露荒墟臥石獸
可堪秋墳唱依舊春水皺響誰答詩筒痕尙餘屋漏重看闊幅
裘絕勝廣廈覆懷哉人足傳寶此天所牖

題沈眉峯先生秋林宴坐圖用張桐谷師韻

跋浪身殲海上鯤，量沙聚米戰功論。卽今浴日鯨波外，尙有扶

晚

金剛經

不及追陪笑語溫

時先生病足不見容

功甫堂卧玉照深

朝問谷先生

廷珪遺墨價千金

圖爲英文凱歌寫李廷珪本姓笑

林閒竹帶

新秋色海上棠，開舊日陰臺閣文章。傳世業熊羆朝畧付禪心，欲知坐照觀空意都在山厓與水潯。

庚寅人日黃薌泉招集蔡氏隱廬用韓昌黎人日城南登

高韻

山光雲靜凝春色，柳微弄沙明江縮。潦波活湖破凍歲，已攝提
更令未句芒用迎。韶陽寥闊扶老藉，僣從晉賢遵塗十里遙。踐
約一尊共朋簪，綵勝映客臘。隣鼓送設鯖，雜雞鳧莖菜。別菰蒻
深談燭，易繼多病酒。難縱節物攬青紅，塵勞辭倥傯。歲華七秩

開此日足珍重

上元前一日招同人北齋看梅分得昏字

繁英烘放藉朝暾
兩樹嫣然植瓦盆
能耐寒威比松竹
要留清氣在乾坤
翦幡恰報初春信
捲幔宜添淡月痕
金井牽絲泉水潤
銅爐炷炭火微溫
屏閒邢尹成雙絕
夢裏羅浮各一村
寂寂遺懷消白墮
亭亭邀影伴黃昏
亦知孤潔難諧俗
不待飄殘已斷魂
別有冷香吹屋角
尚餘高幹倚籬根
記當隙地環軒檻
培就幽芳付子孫
自昔酒人曾共對
祇今詩老更誰存
笙簫華屋應連夕
風雪寒家獨閉門
少日歡場彈指過
強追騷雅重開樽

奚丈鐵生雲林圖

昔觀奚丈畫落筆聽有聲
迅疾若風雨
怳怳心魂驚
雲林偶點筆題句幽且清
卽畫知不朽
況兼以詩名
生前邁奇阨身後垂

盛名通靈久化去還我高友情羣公贈瑤什才辨何縱橫及今又卅載念逝百感生

李西齋七十二賢峯草堂圖圖爲汪醉白寫

我昔游西溪日晏舟忘還賢峯七十二一一呈煙鬟惜時無好
手狀此山孱顏山靈不要詩要畫如荆關今觀故人筆恍坐溪
山閒層嵐勢吞吐流水聲淅淅草堂值幽深林竹相回環能來
卽仙境胡久羈塵寰但有紙乞圖更無錢買山故人會君意墨
瀋圖斑斕一揮就茅茨再埽空榛菅松寫君貌古雲寫君心閒
扶搖謝黃鵠滅沒隨白鷗因君念故人高致難追攀

春日同人集江小米水北樓分得書字

從此園林可借居安排詩几埽花除時當暖漲魚肥候人似雕
梁燕到初東道主休勤管鑰西湖長上欲混樵漁祇愁來下陳

蕃榻貪看雲山嬾著書

天竺進香曲

峯轉轉車緩緩山剎遙春泥輒時世愛新裁袿長袷衣短旃檀
婆律香氤氲心字結作空中雲男兒合十學膜拜小語但許聞
思聞香氤氲飄佛殿法鼓聲喧佛光現蠟炬紅搖菩薩面

庚寅三月十二日同人自南屏集小米靈隱山莊對雨作

雨絲晨尚飄吹斷借風片山游記燒筍雅會約重踐紆回折而
南靈驚恰當面美人遲不來徙倚愁日晏

時菜燕
毒後至

山南伐鼙鼓山北鏗鯨鐘傾城出冠蓋隱隱何隆隆曰一富一
貴爲壽來梵宮佛門本廣大富貴無不容雲遮忽不見驚走雙
高峯

彎環準長隄行若蟻旋磨依然冷泉冷來面靈山坐所喜山僧

忙畧我人一箇茅亭數武近策策扶杖過到此境清涼徑欲解
衣臥山靈亦見恕塵事出無奈我爲滌煩襟雨挾風勢大白
雲起山中學山竟山成大雲若嵩高小雲部婁平是雲還是
山茫昧難辨明須與急雨灑雲重山爲輕城居與山遠礎潤占
陰晴今朝坐山麓看雨所自生雨生本山雲山不居其名歸途
拖蠟屐身在雲中行

書病二首

頭岑岑戴鼇山青綾抹額行蹢躅頭岑岑畏風入左爲風右爲
血血虛風淫治分別佐以華陀針法陳琳檄紛然雨不效夜夢
頭見責赫奕名利場掉頭縶不入腐爛經史編埋頭誦不歇頭
腦爾冬烘頭顱老何益聞之笑點頭吾負吾頭非一日

頭見責還見原風祛溼解餘齒酸朝來觸熱學褊襪借面且復

峩其冠本非慣折腰又少金搭膝老病再拜難無人爲扶掖起
行誤觸紅氍毹覺蠅蚋啜腐蠕蠕豈知痛漸入骨髓臥不能起
成殘瘵我生占易艮其趾敢與名爭習鑿齒如何遭刖等懷璞
璧璫人嘲夔一足迷陽迷陽傷吾行旱旣太甚鑿舞聊爾同商
羊

湖上新柳

已看搖曳滿長空春在雙隄曉望中千點亂紅千點翠一絲微
雨一絲風西冷蘇小家藏早南渡徐熙院畫工待到三眠又三
起絮飛如雪撲簾櫳

書莊芝階家藏宋槧寶祐四年題名錄後

趙家南渡至寶祐播越有甚唐梁洋流傳四年科目錄忠誼首
冠文天祥兼收謝陸若鼎時要挽落日升扶桑君從何處得此

刻數紙氣壓千文場酒酣邀我作長句往事欲說徒心傷卻思
知人貴論世科目先後宜評量宋因前代設貢舉期改三歲餘
仍唐有唐開基歲取士進士獨重由文皇其閒勲臣及賢宰經
濟外復工文章唐登科記樂史作包括李奕該姚康端臨載此
恨太畧姓氏忍使歸淪亡幸哉制舉有圖在冊府御覽詞昭彰
浚儀定科八十六證以史傳無參商偶餘疏漏待補緝建斗未
免遺星芒較唐諸科已大備豈非紀載言須詳諸科倘亦比制
舉挽三百載名俱揚當時樂記傳者衆棄不甚惜因尋常及今
海內無是記一一徵引同琳瑯編摩憶昔濫詞館求索不獲銘
衷腸歸來羣籍恣參考唐文千卷資津梁旁稽百家半失寶道
在捨短從其長補編何止言十萬垂老抱向名山藏所嗟人事
多錯迕此願果否能終償不如君今寶數紙行閒字裏含風霜

嗚呼得夔一已足聚三天與扶臣綱後來三人其大事孫胡功
佐姚江王以之比擬數適合雖異成敗皆賢良信乎科目以人
重韓范有福遭時昌得文山與朱紫陽劫數縱莫逃紅羊金蘭
畱簿今猶香理學忠義高顏顏配昌黎伯睢陽張名共日月爭
輝光

奉懷孫雲壑用東坡夜過舒堯文戲作韻

妻孥累絕貧不苦肯羨齊衡賃吳廡亦知患在作人師未信名
堪爲物母閒將素冊寫花鳥老尙騷壇建旗鼓無緣貰酒敵宵
寒有癖耽茶望春雨漫誇老子興不淺聊詠小兒詩自侮癡心
卻欲偶梅花笑指逋仙稱鼻祖

再寄雲壑仍用前韻

先生從前作詩苦老尙儲書寄人廡我誇賢主得嘉賓君道蒙

師學慈母無多束脯室已罄纔過燒燈篋仍鼓布衾葛帳捲偷
兒老屋頽垣塌秋雨宵吟孟郊愁被絮晝臥邊韶例遭侮何時
撇下破蒲團此義還須問初祖

姚烈婦詩

夫死孝婦死烈其間不死不容髮阿父鐵作腸不能轉女心中
石得請依姑成獨活 桐城有女其姓吳夫姚捨女身先殂相
傳議婚日兩小鶯方雛及笄婉婉尙未升青廬 宦游舅多病
道卒囊垂罄夫扶棺歸舟易乘大江峙金焦潮挾風勢橫舟觸
江磯浪花迸抱棺號向天天高感卽應蛟龍欲吞神護命心旌
搖搖驚不定 驚餘還痛亡半載歸北邙女聞夫死魂飛揚女
身已屬姚雪涕辭高堂 桃僵難代李木與女貞比夫爲父死
長已矣婦赴夫喪乃通禮身願往執喪以慰重泉底長跪膝前

呼不起 父言從汝願畱汝伴我身佗家不須往強諾含酸辛
衰麻禁身著羅綺忍復親經年絕言笑眉黛慘不伸東家富勝
西家貧鳩媒惱殺冰下人 女潛知之失聲哭哭極無聲氣微
屬目瞑神已離笑容翻可掬阿父大悲摧懊悔張羅試黃鵠繞
牀呼女名今不汝志奪絕而復蘇拜扶服三日進一漿五日進
一粥剛鐵到底柔迎歸聽夫族御輪無人駕孤犢 上堂奉羹
湯忍淚心怕姑增傷下堂隨冢婦同營滷澹縫衣裳蔭居十八
載人不識而身不離幃房 代夫養延夫祀伯所生我其子鐵
徒錚錚石齒齒身雖未亡心早偕夫死 此心幸見諒此身聊
復存身存出自阿父恩非敢屢逆命以順爲孝難概論是非孝
子那得貞女聯爲婚霜松與雪柏本自生同根栽栽綽楔佇看
雙旌門

天籟閣舊藏南宋院畫便面冊子爲方雲泉題

白雁聲中月滿樓故宮搖落不勝愁些些金粉些些墨禁得西風七百秋

黃筌花鳥仿徐熙能事流傳入手稀貌得齊梁宮體在竟陵王與陸探微

雉尾當年扇影開舊都宮殿總蒼苔有人方鞠花前障一樣章臺走馬來

合歡心事訴誰知南渡風流又一時十六齊紈人十六不知誰是謝芳姿

題吳竹堂畫太平使署西園圖

高人多逸情涉筆便成趣斯圖五十年風景尙如故山亭縛茆建水檻通橋渡高低雜梅竹下有彎環路此中我熟游奉母三

年住緬懷司成公先我輕軒御七年將母慶軒額題嘉樹

晉懷祖軒額曰

嘉樹爲秦端厓先生所題其跋語畧云前後奉母於茲七年以嘉樹名軒用誌使臣將母之慶

勝地可重過至樂難再遇前游

披圖對都是傷心處春暉不暫畱祿養歎遲暮

題烈愍黎公美周黃牡丹詩卷

十首詩成許占先隱園吟社啟當年樓臺一色開金碧袍玉三
春醉管絃能與姚黃添故事本來李白是神仙郊寒島瘦羅公
隱名止田園噪月泉

清平詞筆廣平腸中有葵心向太陽將被逮猶書草聖早馳名
爲譜花王繁華夢覺游仙枕翰墨緣空選佛場才調同時出鸚
鵡嶺雲哀怨抱琴亡

續南鄭若湛賦赤鸚鵡十詩與先生齊名甲申變後拘於北烈帝道經水死

竹垞遺印爲宋秋田作

謂印廣徑寸厚三分六面刻正面上下文曰朱彥尊印曰竹垞居士四側面文曰竹垞讀本曰六峯閣曰

桂之樹軒曰式飲庶幾江君石如爲補圖鈐印其上

爛銅入土餘殘篆秦漢紛紛姓名辨
吉金縱較貞石貞贗鼎流傳眞者鮮
何似竹垞居士章百年後得君收藏絳
雲六朵飛著紙銅翠流膩砂含香廣纔
扶寸厚盈指小篆分鐫廿三字橫看成
嶺側成峯四角中央周復始襲匣什襲
行相隨徐官周愿未許窺人閒豈少八
州督冷笑印佩何累累收藏補圖煩我
友南北垞重拓窗牖披圖酬以一杯酒
六國居然印在手

重七日陳訥菴招集紫陽山舍分得織字

虛堂偏嶽岑石磴步欹側入座盡吟儕
新交同舊識天公亦解事曦影早西匿
林煙與草露點綴新秋色主人愛靈辰
瓜果厨預敕讀詩悟機杼巧自斯筵得
高霞爲颺空想象天孫織淹留坐忘返
雲起峯半黑歸途風掣帽澍雨逢頃刻
回想山中居炎氛淨如拭

元潁川王父子清秋回獵圖爲其裔孫保印卿司馬題

北庭右族家潁陽善韜畧復嫺詞章義兵轉戰數千里來歛一

旦軍中亡父死勤王子知政保保其名王乃姓

史稱擴廓帖木兒本姓王小字保保察罕帖木

兒之甥此圖姚鵬椿跋謂王者家世王爵保保者尊稱之詞並載河南王之言曰世皆知吾爲王保保子孫可卽以保爲姓故保氏爲通州望族與史不合

肯逐從龍

潁上兒元運難回明革命此圖畫者知爲誰裔孫行篋攜相隨

想當河北賊殲盡暇侍而翁獵一圍人皆編髮分三結家將前

行袍窄袖別有戎裝臂角鷹顧姑不戴驂而後王妻雖殉餘或

畱

史稱擴廓帖木兒卒其妻毛氏亦自經死姚氏謂方其勤王命妻子浮海而南與史不合

浮海傳說來通州和林回望秋

草白無復合隊騰驂騶鳴呼縱敗不降憤非恥子如父亦勤王

死

史稱洪武八年八月擴廓帖木兒卒於哈拉瑪海之得庭姚氏謂遁於北漠下不知所終與史不合

龍起雲從代有人中山未是

奇男子

九月一日小米招游南山自淨慈寺抵虎跑度滿覺壠飯

於理安之松顛閣還憩煙霞洞日已薄暮至石屋到門而
返次薌泉早秋游理安韻

清秋九月初山色淨逾美山游赴成約同調二三子領悟人各
殊如月隨所指黃石自云高乃尚有園綺瀕湖覽風景欲去重
徙倚轉入山之幽雲煙接迢迤此中得佳境義與參禪比逢山
不知名但見立卓爾一山重一山寺在深山裏

名泉虎跑著昔酌今重過入門松夭矯高與雲相摩溪流繞其
下離離竹緣坡清陰匝丹磴代杖牽藤蘿泠然一泓貯鬢影呈
煙螺羣峯俯可鑒勝仰高嵯峨徑思攜石銚來續煎茶歌卻看
崖山刻苦蝕詩消磨

遵塗滿覺壠巖桂連蜷栽我將赴招隱趁此秋光來遲花想金
粟堆尙盈山隈豈知歲逢閏花已先秋開繁香零落盡煙翠空

裏回歲華不我與卽境理可該今年臘未破定放西溪梅春華
與秋實冉冉遲暮催悟此早行樂何地非蓬萊

層巒土不生萬木插雲腳吹簾散遙空風雨晴亦作寺門隱不
見取徑陟磽确松巔閣高高窗喜三面拓因巖以結構功不費
穿鑿流觀壁閒詩佳少多半惡畫松愛吾友墨瀋未摧剝謂何
來老瞿曇錫而此山卓具教問不答正恐應人錯珍重貝葉經

榆函趁涼暴

時寄新易住持耳
出貝葉羅漢冊示客

回車訪煙霞沈陰揖巖戶山靈知我來幾點飄花雨石頭怕路
滑況乃路旁午奮勇策紅藤那惜腰腳苦由來名勝地大半僧
所主我非禮巖佛石壓首還俯圓蒲許借坐消受數寒暑須知
南北宗同此一滴乳莊嚴彈指閒馴伏現龍虎流傳此潭洞古
佛來布武

蘇句

談禪君勿訶聊學東坡語

石屋不及探鳥影匿山腹山行譬宦游得半亦云足何須到昏
黑聽報黃梁熟前途正迷茫行恐地難縮炊煙看幾縷已上溪
菊竹晚歸把君詩如畫百回讀

西與股堰廟紀事詩

堰在蕭山元至正開里正楊伯遠奉檄築堰其下潭深
爲水怪窟宅築堰圯慘被筆楚妻王氏溺於江劉曾肉

投潭中飼怪物越宿潭沙漲堰遂成巨人爲立廟堰旁嘉慶元年
甄吏疏開得

勒封賜額事詳大興朱文正相國股堰廟碑記

鞭石石走威用刑不如驅鰐感以誠咄哉神乃里胥婦攘臂欲
與蛟龍爭蛟龍憑深族於坎堰築不成鞭筆慘誓拚身死叩九
幽血面論冤神勇敢碎剗股向奔湍投水府震動馮夷愁婦身
朝殞沙文涌竹石下隄江安流暎渟滂漱五百載祈報春秋祠
不改萬頃田歸一嚮功果然精衛能填海

初冬小米招集水北樓看紅葉

依舊丹黃染暮煙青青曾見早春前人生輸與霜林好待著東

風又少年

添綫詞

朝添綫陽烏未升蘭醕面暮添綫篝火拈針漏沈箭綫長綫短
憑女心緹灰枉量分寸陰君不見東家女兒眠懶起日午繡牀
猶未理又不見西家女兒眠慣遲鴛鴦繡了繡折枝工夫那繫
日長短長因指勤短因緩刀尺聲喧九九中一年活計惟三冬
四十五日程女紅

靈隱寺借秋閣瞻明慈聖李太后九蓮菩薩像

貝多函經香百和像設靈山蓮作座儼然彩輦降生時鼓吹旌

幢驚夢破

太后父武清侯李偉夢空中五色彩雲旌幢鼓吹傳之下寂所已而太后生見明矣外戚傳

懷中墮日樞繞虹都

人正位長秋宮以嚴御帝慈奉佛一時名利紛鳩工看花內苑
涼秋後銅盃紅蓮抽蕊九詔使傳觀徧外廷張筵重上東朝壽

帝侍后看花時已秋節有銅盆生紅蓮蓮心抽蕊九環簇四向上令外廷傳觀仍帥后妃稱賀

道子金容舊寫真金容摹易御

容新施檀千頁熏都徧處處蓮花似化身

帝於太后千秋節敕取庫藏吳道子觀音像臨撫之易以慈容

勒刷千頁使梵剎瞻仰時有真像聖駕九蓮化身以上見彤史拾遺

像資佛力畱長在滿月光曾照寰海內外

當時憂患多持世居然四十載九蓮菩薩有責言宮闈事在疑

信閒

莊烈帝五子悼竈王生五歲病亟帝視之忽云九蓮菩薩言帝侍外戚薄將盡殞諸子遂棄見諸王傳

蓮臺難攀杏殤早薄待

外戚應慚顏過去身中笑多事南北祇林隨位置編副垂珎被

翟衣慈容記覲長椿寺

吟釵圖爲湯雨生參戎作

鼓鼙驚夢鸞釵斷一夕夫隨舅嬰亂海枯石爛人不歸髮髻簪
荆把釵換鯨波湧洞煙塵昏娑婆洋闊愁斷魂愁來檢點嫁時
物惟有夜飛蟬尙存謝家池塘賞吟句此釵曾映風前絮常山
魂魄附歸節此釵曾染衣上血鬢絲絲斷況妝釵釵亦如人共

圓缺文通武達訓嗣君玉茗遺稿收辛勤明珠附綴五十六一字一拜香長熏闥中訪得丹青手觀寫瓊花拓窗牖合璧還看記與書畱伴吟釵圖不朽

十月一日薌泉招集靜寄東軒作暖爐會同用暖字余以寫真不及赴翌日卻寄

寫真倩長康衰狀現筠管想著新錦袍無暇適子館

宋制是日賜學士新錦袍

歲

時記荆楚高會爐共暖遙知舊酒徒次第門早款吹霞又弄日

拳曲釋沈瘡

用孟郊詩

恰逢成福齋今日屠要斷

攝生家以是日備成福齋

焦

餚及黍臠礫柯薦盈盥沃以松花醪釀定千歲滿

進鍾素臠千歲松

卻

思防邊卒衝雪偕火伴寒衣可否給襖挾缺膀短

唐制是日諸宿衛皆服缺膀襖子

又

思點朝班曩職在編纂朔風吹凜冽中夜起漱盥圍爐對友朋

此樂盼休澣今閒得曝背骨懈筋亦緩消寒述吳諺瞬眼灰散

瑄來赴張燈招故事例須續

宋太平興國中京城十月十五日張燈如元夕

櫛餅十六韻

縷貫牟尼似纍纍賣滿街
擣應煩石杵瀝定拔金釵
漉乳勻鋪糴蒸霞慢熟煎
截紅成玉印鑄紫入銅脾
滓去糟經醉馨畱粉出
鑊揉花眞盡碎堆蠟不容
揩香勝橙搓手甜殊蜜割
崖扶頭剛醉甚到口與酥
皆珪樣冰蘂疊丹痕火齊
排春聲飴過市風味橘踰
淮寫豔宜華月呼名稱寶
階按掌工彼美酸醎笑吾
儕小字將梨比嘉徵有棗
偕蔗佳新闢境飴養老關
懷芳潤中邊微和甘嗜好
諧當筵題未敢醒藉解茅
柴

臘月二十三日錢蕙窗招集吳山道院看雪中湖上山用

東坡臘日游孤山訪惠勤惠思二僧韻

不出郭見全湖此景除卻吳山無
春頭臘尾雪三日君選勝地

相招呼道人全真寄無孥琳宮到處隨客娛坡陀欄楯接高下
林木虧蔽山縈紆俯看一白連萬廬冷光中裊炊煙孤市廛盡
處湖照眼風色淒緊沈菰蒲愛游更誰如老夫先主而至到日
晡惜哉樓閣蔽南面獨釣未展寒江圖全湖臨眺清有餘難分
優劣史與遼欲邀嚴光得林逋江景畱待子久羣

是日嚴鵬開黃
龜泉以事不至

復雪吳山獨飲仍用東坡韻簡蕙窗

雪復雪湖外湖豐年勝景天下無老來行樂肯坐棄折簡不待
君招呼東家僵臥累及孥羊羔美酒西家娛人生處境類難一
山自刻削川滌紆凍雲四合如穹廬烏鵲聲咽鴻飛孤狐裘貂
帽不知暖有人戴簞還衣蒲卻思防邊屯萬夫鐵衣冷著朝及
晡天山峩峩雪皛皛壯士誰上淩煙圖感此不樂愁有餘京華
無使通衛蘧

久不得征西
軍事消息

況當歲晏租索逋漁蓑晝待閒時羣

芝階招飲卽席有賦

語兒鄉里是耶非
花朵精神玉樣肥
合配一雙蝴蝶小
預防十二鷓鴣飛
異時打槳歌應慣
此日量珠價總稀
畫燭四圍簾半捲
醉中平視太忘機

上巳日蕙窗招同人城南看桃花卽脩禊事

露華披拂柳絲輕
浦潄縈回旭日明
春莫又逢脩禊節
水邊同賦麗人行
堂開江月眞成例
題借桃花爲寫生
醉把一枝狂起舞
亂紅如雨老關情

江珧柱十二韻

勻圓如鏡滿江洲
漁婦妝臺曉忘收
鮮漾日華呼舉網
腥涵海氣載迴舟
墮懷助抱三分月
合掌深藏一寸鉤
越練光明拋鎖甲
吳綿層疊裏搔頭

按江珧一名海月一名海鏡劉向嶺表錄海月大如鏡其性如搔頭尖其甲美如玉

銜來肥婢津餘

潤鼓罷靈妃軫乍抽味勝斑魚無卯忌

斑魚即河豚之小者俗以卯忌生人忌食河豚見朱竹垞詩狀如

文蛤有丁留

周煥出閩小記肉不堪食美只雙桂如蛤中之有丁味亦與蛤中丁不異予令蠻人索之梅花厂時時得之

採從蠶戶梅

花厂佐愛烏程箸葉筍刮膜洗瘕同玉潔糝香篩辣早珠浮乳

酥滑笏便殘齒珂雪翻匙豁醉眸未信稱名儕瓊蛭

李時珍謂即瓊蛭恐未然偶

緣勤學誤蟾蜍景純賦自甄奇徧山谷詩誰領趣幽若與加恩

應首數道曾作柱在中流

灌口繩橋行

橋爲吳大秋漁置蜀時所建
有詩較小羅浮山館集中

築繩橋當灌口橋長存公不朽繩橋如竿辦竹爲雜用藤絡兼
葛纍布板以藉欄以圍從風搖動形垂垂王陽定旋踵石激灘
呼湧下有奔湍迅流萬里之長江上有絕壁懸崖千仞之山勢
孤聳此中梁柱那得施書醋不靈鞭石石頑鞭不動都盧尋無
檀替戾橫無岡鎖江枉費六州鐵懸度始知柔勝剛繩聯分五

道製想前人巧相傳歲月深繩斷蹟如埽籌民利涉勞我公千
絲萬緒羅胸中參稽圖經審地利瞥眼凌跨如長虹騎驢從此
不愁墮踵接肩摩橋上過膽怯疑隨繩伎行身疲便當繩牀臥
感公德來羣夷花鬢覆首首屢稽願公子孫繩繩兮

書吳秋漁丈所著菊譜後

高人娛晚景生計付秋霜重訂梵村譜閒斟彭澤觴小盆堆淨
綠涼月照昏黃不盡栽培意陰晴費較量

和景福泉看梅招飲之作

主人愛梅兼愛石石取堅貞梅取潔房山庭樹位置宜招飲主
人還愛客客選大小皆雅材繁英正值枝頭開回廊夜更蒸燈
照要遣花光入座來坐客對花杯在手花映杯中花作酒一杯
吸盡花一枝寒沁心脾香滿口主人銀髯如散絲春風搖漾花

參差巡檐負手繞百匝想見放翁花下時醉歸茅屋攤衾臥夢入西溪月初墮飽看七十二賢峯柔櫓一聲驚夢破

謝沈芝塘餽莧羹

怪君談禪不食肉鬚雖如銀面如玉得無裏啖學梁武以麤爲牲掩人目豈知有味較肉勝園蔬課丁日輸束盈筐未要論斤買入釜何勞用飴沃須臾已報馬齒爛肥滑眞如羊腴熟雨風所被土膏潤方法無佗火候足比似東坡玉糝羹要換新詩餽山谷儷以乾魚非我欲我又怪君難免俗以詩懺除君試讀毋使園蔬被羊蹴

題杭堇浦先生遺照卽次道古堂集中小西別館瞻陳洪綬所寫坡公像用坡集中贈寫眞何秀才詩韻

六丁取將駭雷電文光逝如絃上箭展觀遺挂猶儼然想象來

自三神山公神早歸我生晚未見樹幟騷壇閒知公寓物不畱
物王宰丹青偶遺蹟圖爲景荷衣久已換朝衫拔履扶筇意閒適
以詩書氣傳公容光欲浮動大宅中楊惲屬辭誌景仰圖爲景
先生外卽今後起誰如公題運如爲

錢蕙窗桐槐舊館圖

南北移家總在鄉讓佗城市俗人忙

君啓紹在河清今移居鳳凰山麓

只應貪看青山

色孤負清波五里塘

我亦先人有舊居小橋流水樹扶疏

先人有舊塘舊園圖在安樂橋爲敬始生處

人生第一

難忘處最是裁箋認字初

景福泉雪泉圖舊爲曹雪泉所藏奚丈鐵生所寫

雲林詩意蒙泉筆清是山泉白山雪雪泉遺卷福泉藏翰墨因
緣詫奇絕卻看諸老詩縱橫閒未識面皆聞名就中跋愛梁學

士兩字拈出白與清當時涉筆偶然爾那料毫端寓禪旨尺幅而今得所歸清白家聲有如此清兮胸次無纖埃想象君屋梅花開白兮光照君素壁萬里歸袞數拳石梅花宜雪石宜泉晝不歸君許誰得茅齋把玩半載畱知君鄭重難巧偷畱題當暑重展卷晚雨檐濕如涼秋

五月二十七日招同人集汪氏水北樓

樓愛看山怕鬱蒸雨消新暑快同登潤含林翠露如沐涼入酒波風有棱空際湖光搖萬頃望中峯影列三層籬根牆角浮萍滿未許沿隄策短藤

迎梅送梅曲

梅雨來秧新栽蛙鼓蚓笛喧水涯雨點點秧翦翦隴麥齊登蠶已繭高田低田水猶淺

梅雨去檐聲住脫卻牛衣挂龍具水波寬農喜歡新蟬奏樂林之端枝頭畱個金彈丸

西湖觀漲追依先君子集中韻

鵝鵠林外唳不休銀瀾噴瀉水磨頭恍然湖現大圓鏡鏡裏煙雲光動浮傳聞麥芽豆稭爛湖畔那免耕農愁吾曹縱觀得毋過愛此明瑟兼清幽木蘭之杙沙棠舟放棹便作蓬壺游朗吟杜老天上句掀舞瞬息凌中流搖溶萬頃淨一碧掬洗豁我雙吟眸詩腸麤豪酒膽大渴羌徑欲全湖收全湖裏外已合一欲覽遠勢重登樓卻思前年旱太甚老葑堆積盈千疇可憐枯魚對相泣使宅稅更從何抽有波活鮒固足喜無地種秫還堪憂箋天梅雨莫重作五月已近陂塘秋

洪武船符

符爲湯雨生
夢成所徵

慎軍國事傳明初鎮撫封遞例給符製從內府領準額到驛展
驗誰能誣織成中具船馬狀以馬起馬雙單殊惟船編字水與
信洪武符驗上檄船馬之狀起馬者用馬字號起雙馬者連字號起單馬
者通字號起船者水字號起站船者信字號此信字蓋站船符驗也大川齋涉皆

通涂亦有澤國用龍節法三代意摹爲圖詔文紀年璽加後四
角燦爛花盤紆例非大僚概勿給鄭重想見高皇謨是年始命
棣節制王氣已隱鍾燕都兵興渡江不用檄宣召可有金符無
洪武制凡宣召
親王皆齎金符然其立法自詳審倡亂遠先防驛夫後來趨便易勘

合此符棄竟同關繻祖宗良法翫不守中使四出周防疏無何
瀕海置市舶倭寇擾遂連三吳樓船戢戢指呂宋礦採萬里撓
師徒爾時徵調徧天下符縱復造難供需乃知經國首除弊方
幅凜此尺一書祇愁歲久弊還作盜取翻笑侯生迂摩挲黃麻
三歎息有人智出符之餘

聞陳扶雅注晉書詩以訊之

作史才信難注史名敢荷注須證所作朗若券操左由來注史
例兼兩庶乎可其一精訓詁名物覈纖瑣其一務補綴糠粃合
揚簸況當典午朝政治歎叢脞倥傯百餘年江特一鍊鎖割據
華爲戎慘矣清談禍史編十有八欲數口先咳君於諸家外所
取義則那叢殘載御覽餘盡燬兵火水經及蕭選注亦存頗頗
惟時通書素僅許述疾軻果否碑刻傳淚止峴山墮文奇有頭
責外此遺尙夥語俚到爾馨訓以何者安裒然卷百三蠹簡撥
塵堞慎無矜善本勘校但細麼我如張季鷹莼味戀歸舸雖曾
濫史職簪筆殿辭呆思成一家言棄置習媮惰徒能事滑稽游
戲言炙輠讓君才傑出志大行必果音義覽何超不值一笑嗟
諸家恣漁獵身被亂書裹榮緒經嬾拜鑿齒足從跛照無燭兩

行藤榻夜枯坐得好亭子名試先持示我

有唐富述作漫以詞章輕試觀唐始基羣疏先頒行舊萃百家
言宗旨歸康成是非孔賈輩漢學何由明載觀唐中葉傳道儒
得名奮力排異端義蘊開朱程不有昌黎公宋學何由萌匪惟
經術邃史亦垂家聲卓哉班范製古茂疇抗衡師古與章懷纂
述功專精參稽會衆說斷制昭定評遠與雅訓合近可選注并
其餘雖瑣瑣所著猶錚錚劉幾有史通持論公而平李肇有史
補敘事明且清晉書奉詔脩房褚羅羣英清狂語備載著國所
自傾流傳及後代文體交彈抨謂滋浮薄弊致兆釋老爭豈知
關運會篡奪從此興倘教概刪削治忽將安徵風詩十五國正
變辭兼登魯史三百年善惡例並稱況文有駢散體昉東西京
宋賢昧斯義唐詔擅改更猥瑣等晉書事采小說增我爲范渟

甫君作于令升相看兩白髮此願徒硜硜

挽郭頻伽

如何未疾便身埋訪記春前棹值開顏老漸消名士氣飛騰眞
擅謫仙才平生高論空流輩從此公評付後來怕見魏塘嗚咽
水柳枝搖落不勝哀

挽蘇魯山

記識蘇家第五郎英英眉宇綴鸛行頭顱老大仍州守肝膽輪
囷有疏狂天許魚龍觀渤澥地勝蠅虎舞伊涼君自初平守
改任青州如何衙
退三聲鼓便抵齏醢百甕黃

振綺堂咸淳臨安志槩成招飲有賦

碑碣曾經檢木天史文原闕補難全臨安在昔傳三志永樂大典杭
字韻下正書
洪武杭州府志以錢道淳始咸淳
三志表志分注其下決碑刻一門淳祐成書僅卅年豈遂偏隅多改建倘因

遺畧待重編

余從大典錄出施錫淳祐志殘本蓋爲十六卷於寺觀獨詳

竹垞枉說窺中祕吳地歸纔

識宋鐫

三輔黃圖例漢京首詳宮禁節昇平量來餘地增田賦賣與何

人記路程當代藝文收汗漫

近人輯郡縣志多載同時篇什此志其體雖矣

連坊祠宇載縱橫

雖傷繁衍終該博相府書多借悅生

研北雜志翰林國史院有世祖時所賜賈似道漢宮書數千卷金石刻多宋凌

江以前拓本

殘山剩水寫行都白雁南來竟沼吳保俶縱還無故壤降元爭

獻有新圖

元平宋歲兩浙宣撫使焦友直以臨安理籍圖畫臨陽秘書上於元見續通鑑

計窮飛走悲孱主

孟祺賀平宋表飛走計窮

一片之祥

夢入繁華笑鄙夫慚愧兩行然燭待堂堂京兆府中趨

難得珍藏繭紙完銀鉤字字仿平原

小米從吳門汪氏假得宋槧本精寫完整費以校刊

卷中翰墨

焉烏少邊上旌旗士馬喧蟀鬪山堂秋葛嶺雞鳴村舍晝韓園

君高畢竟輸師異宣慰誰憐刺刀冤

說友既降元於至元十四年二月爲福州宣慰使三月爲李雄所殺見續通鑑

九原耆宿感知音

小米詩刻題太鶴遼史拾遺及汪遜樓三祠志

更輯斯編播藝林師相列銜

懲謬妄

張中寶相與度宗一例貽行小米以爲影宋本姑仍之

宗藩追諱費參尋

南宋避嫌名甚繁又孝理度三宗均以宗藩繼統至所諱

有無可考者

論人誅莫逃嚴筆閱世搜還比吉金墜簡異時如訪得校

讐償願酒重斟

江上看紅葉分得禽字

曾記春風綠滿林
檣舟江岸聽鳴禽
數峯斜照明依舊
一夕新霜染便深
尚有繁華娛暮景
可無搖落感冬心
何人獨自衣緋釣雲水蒼茫盡裏尋

歲歉感懷

吳甸迢迢接楚疆
經秋霖雨歲成荒
建瓴水合江湖下
築堰農徒舂鋤忙
轉徙有鴻號曠野
備儲無雀噪空倉
許蠲議賑頒明詔
能奉行須守令良

地原栽麥與栽禾生齒其如百倍何僑寓棚民求占籍墾荒新
戶報陞科自來田賦江南重見說萑苻海上多莫競魚鹽干
國法且安藜藿待時和

歲末星終兩遇災救荒策舊少新裁龔黃此日民依軫鄭白何
人水利開可爲邦籌移粟未已曾家喻發棠來編排戶口書門
帖此是羣公濟變才

飽忘羸瘠暖忘寒災想斯民戾氣干黑蜮蔽空形似帛青松交
夏色流丹賦停湖郡天倉減糴借閩疆海運難差喜豐穰來歲
應雪飛聞道滿長安

兩邑窮黎十萬稠給孤金布已難周便能饘鬻人三鬴可奈波
瀾地六州艱食舊傳堯舜世禦冬誰有稻粱謀流民一幅圖傳
徧安集深煩長吏籌

天還加意厚吾曹太息江淮難屢遭桑梓流離魂欲斷魚龍騰
踏勢方豪隄淹秋水千村盡闌啟霜風九月高商課盡虧亭戶
散白波如雪苦難熬

姑孰田疇傍水涯土隨風卷但存沙皖公山色雲煙汨楊子江
聲日夜譁空駐高桅千市舶已成流殍萬人家巖居莫羨新安
好多少層巒噴浪花

豫章西望水浮空九派波原與漢通三楚自來江作浸兩湖如
此歲真凶伐蛟術白旌陽失投璧豪誰子羽同巫峽八千程路
遠粟輸憑仗片帆風

朝勸餽饑父課租閭閻曾否免追呼視民那不關休戚如我何
嘗計有無清俸所餘皆

帝賜慳囊先破爲公輸卻看卒歲謀何在聊博心安任笑愚

招同人集古歡齋分題米芾書史海岳名言寶章待訪錄

三種

賜書得初字

塗鴉縮蚓拙猶初孤負當年

帝賜書北宋尙畱遺刻在西清曾記舊銜除得分米集從

天上長有芸香散座餘卷首王孫題印小昔賢珍重想何如

祁忠敏公遺硯歌

硯爲汪小米中翰所藏旁鐫詩凡六首首僧悔二詩次祁李孫
釋明孟寓山樵各一詩而消一詩居末皆七絕句僧悔詩後有
跋言公嗣奕慶以公遺硯贈陶生去病屬僧悔作詩紀其事李
孫卽奕慶僧悔卽陳原舒明孟雲門顯聖寺僧字三宜寓山樵
以公別業爲號殆亦公里人耶餘俟考

風字有硯傳右軍楊休得之爲席珍光州硯皮五十載丁晉公

以貽其孫或持換錢或藏櫝奕慶交情姬皮陸

陸龜蒙有謝襲美贈紫石硯詩

忠貞

所在氣不磨玉帶生今保佗族摩挲想見公精靈石質堅緻神
所憑發揮想見公文彩石色晶瑩神所宰當時九詢十革十四
申糾彈諫臣武臣暨內臣在朝拜章外草檄皆仗此石以發爲
高文陶生何人里居晦遺逸偕僧定流輩不然龍尾足家傳何
竟蘇張交易退興平爾獠奴長槍得似毛錐無念臺我執友白
首同歸同不朽寓山東望不勝哀誰弔公魂水一涯女亦工吟
傳父學婦曾題句挽夫來投清泠淵戒無溷曩而翁言竟成讖
遇災莫道硯田荒公昔家居亦籌賑

葉燾葺歸自皖江集城東陳氏園亭

舊雨還同筍聚頭藕花風裏返扁舟
簪簪已作思歸引襪襪何

妨觸熱游文字因緣重結夏林亭登眺最宜秋底須鑒羨乘輶
好鞍馬勞勞暑不休

題高古民夢游崑崙圖

崑崙境渺茫欲盡恐難肖棲息只仙靈萬古人誰到身不能到
神游之覺來了了心自知寫以畫本題新詞我未見畫惟見詩
詩言夢中身跨鶴御風而行輕且速陡見丹山巍峩白石犖确
瑤草琪花滿巖谷班班之麟濯濯鹿青鸞集梧鳳翔竹中有仙
宇疑蓬萊鐫瓊作樓金作臺羅幃繡幕參差開仙之人兮羣往
來銖衣颯纒顧影而徘徊援琴兮拊瑟脫夫君兮傷久別命白
虎兮吹笙勅青龍兮掀笛緩歌慢舞纔一瞥金支翠蕤光景滅
夢回悔不問姓名但覺耳畔琅璈之聲猶未絕廬山謠天姥吟
太白歐九所詠非高深君身要自具仙骨不然那得因夢聆仙

音飛瓊閣道憐才甚佗日還從舊夢尋

題高古民臯亭一角樓圖

我家住城東門前一彎水買櫓游臯亭春風片帆耳君家住城西湖山近尺咫轉愛臯亭山樓爲看山起東於臯亭近歲可看桃李乃自京華歸櫓未山前艤西於臯亭遠相隔卅餘里起樓終日對身在山中矣看山不嫌遠遠翠增旖旎看山不嫌半半面妝愈美因半悟其全由遠求諸邇豈惟看山然凡事盡如此我亦欲摹圖樓向湖之溪看取湖上峯東西兩遙峙

春寒

曉寒如水春如夢春淺蘭閨寒未送十分寒帶一分春和恨和愁壓衾重錦衾慵捲幃愁揭鴛瓦停霜經匝月青女將寒付曉風吹入重幃沁人骨沁人骨愁人心臨明一陣生怕禁香消燭

燼煙寂寂柳眠花鎖雲沈沈禁寒花不吐日日風和雨柳外喚
黃鸝花前催羯鼓春陰蕩盡春陽來陽和浹肌春滿懷愁心轉
喜同花開笑捲錦衾臨鏡臺

鮓魚

富春江畔網初施正是炎梅藻夏時三尺練騰波濺濺

郭璞爾雅鮓魚當鮓注今江

東呼最大長三尺皆爲鮓鮓即鮓正義謂即鮓魚

一程風送檣枝枝應期自上名眞副得雋誰先

價不貲賞勝頭鵝供義幕珍同口鹿薦冰螯銀光華宴催登早

鮓魚例應求鮓鮓魚每先登

鯉味寒家餽到遲帖尾猩紅樗灼爍貫鴈鴉綠槿參

差骨攢瑣瑣渾防鯁鱗鱗層層總帶脂膩甚每嫌膠著箸攪來

偏愛雪翻匙丁沽未信超常品

天祿異人羣羣

丙穴何勞繫遠思

桂海虞衡志鮓魚狀如鮓

而老

博謝景純難補贊恨饒子固嬾酬詩輸佗拈蛤妝頻勸

鮓魚鮓可作花

助我浮螺醉肯辭證以近賢當鮓訓鰲鰲聲轉少人知

題吳仲耘輯詩圖

吾鄉遺老慨搏沙重與扶輪待子華
述祖徧徵佳著作課兒閒理舊生涯
硯田付託經三代花萼聯翩聚一家
慚愧月泉同社客欲蒐唐彥願成賒

時余輯唐人
科目記未成

莫作風雲月露看淚珠多少此中彈
傳因紀事探幽徧詩爲存人割愛難
主客不須圖強別江湖眞已集全刊
一燈如雪篇如海想見披吟到夜闌

隱晦名尋島與郊半甄剗半傳鈔
吳歛自昔原成俗浙派何人敢作嘲
手定又縣先世澤心知無過故鄉交
願君察吏還同此棄取分明見莫淆

西冷才調若爲儔東里風流幸未休
八百孤寒泉下慰三千詞賦篋中收
漫將河嶽英靈比總在枌榆里社求
傳愛辦香心一

縷清芬從此卷長留

題郭少汾奉檄圖

行役在四方弧矢男兒事
菽水以承歡豈是平生志
簡書限有程敦促游子行
奉檄出復入將母能無情
南風吹五雨晝舫橫雙槳
門外唱驪駒母曰汝其往
曰我身尙康曰汝年正強
篝燈勗汝讀我願今始償
虎林辭矣鼇峯抵矣大吏察其賢
遂剖符願相助爲理乃迎板輿
綠蕉花底隴雉林鳩歌聲四起
母也顧之母心喜

金芸舫寫葉燾菴閨齋及余小影詩以解嘲

年來詩酒是生涯
飾貌脩容任世誇
此子最宜巖壑置
煩君重寫鬢眉華
恥言阿堵真廉吏
謂與解悟觀空是釋家
謂如爲墨爲儒都不願
風情肯比放翁差

水北樓對雪作

城南轉北路夷猶風簸籃輿似泛舟小病已拚塵事摒衝寒聊學少年游依然垂柳青於眼無數高山白了頭怪底水雲來較晚暖香應爲錦衾畱

閨齋見招以病不能赴

朔風仍怕出門行孤負良朋折簡情諛墓少金文懶作伴衾無玉夢難成非關佞佛偏茹素未敢求醫爲戀生料得虛亭竹深處酒邊談笑正縱橫

題張卿子隱君像用幘中杭堇浦前輩韻

羅浮闢層軒招客極矜選主人方輯詩耆舊錄重演展觀詩老像如鶴瘦不雋衡茅近咫尺名尙里門扁卜居遠塵市谷口風可緬想見坐澹窩占易卦自行野花擷庭除覓句哦且撚流傳

悔少作俗好挹其淺能醫亦偶然采藥藉消遣傳當入逸民史
筆世今鮮

雲泉以京口酒禾中秋鳥見餉賦此誌謝

凍雀拳尾枝頭呼臥壁剩有乾壺盧衰年寒類鴉瑟縮薄釀思
向前村沾羶然打門來健夫牛腰肩擔雙瓶粗綠筠青箬包鄭
重啟視戢戢同鶯雛百花擅名勝成都披縣風味可似無奇珍
獲一已快意何況得蜀還吞吳鴨餛飩笑腥不腴與苦滷汁宜
摒除傳聞秋鳥來海上欲奏鐘鼓防驚愚不如葬馬學淳于春
風醉人霜頰舒黃鸝陌上已三請好擊蠻榼聽提壺

題薌泉騎虎圖

從來貌詩人例著驢背上如何示服猛現此尊者相展卷知君
重有憂青山何處是菟裘輸佗田舍妻孥樂拋卻犁鋤閒跨牛

題楊妃病齒圖

錦荔餐來渴可除，玉魚銜得熱還無。
瓠犀沁入桃花醋，應爲樓東一斛珠。

上巳雨中汪又村招集水北樓修禊

春深尙重裘，佳節忘上巳。多君好昆仲，招共二三子。
記自閏秋來，雨到春未止。汎舟冒朝雨，蘭采湖之涘。
轉棹上層樓，溼翠黏屐齒。村氓樓下過，羣少不成市。
調飢徧吳地，慚愧尊酒旨。天朗惠風和，願從今日始。

四月十四日偕程序伯游煙霞洞觀石壁所刻吳越千人

功德塔題名，用道古堂集南漢金塗鐵塔歌韻。

按此塔俗稱千官塔，相傳上儲

南宋諸臣象，并姓名，闕樊榭南宋雜事詩引用吳中七子詩注，覆晴江湖山便覽均承其譌，兩浙金石志辨之甚詳。

臨安王氣百年歇，枉自檀那善緣結。因巖作塔締構牢，風雨何

愁勢搖兀下埋苔
鮮竄鼯鼯上蔭松
杉拂虹蜺指揮官
閤門柱

標塔上有都指揮使吳廷郡縣君封閨號揭塔上有郡君某縣卻看兩壁畫圖

整塔上有石壁刻數百人追想千人辦香擷百錢功德助莊嚴塔左右題名

功德百十國興亡感飄瞥笑渠叢土口稱制何似開門手持節金

塗肖像現華鬢鈴語連岡喧替戾龍簡投湖文未湮鐵幢捍海

鋒先折佑妃空峙劫火基保倣難回汴梁轍當時東南少休息

苛斂羣疑歐史說不能役鬼須役人營造多半民膏血卽如此

塔相輪開長並諸天香刹列摹繪鳩將鸞手工鐫鏤耗盡耶溪

鐵天光倒入自然朗山脈鑿深毋乃洩綠鬢人思罪懺除塔右壁

行至十八行紫衣僧可禪參徹塔右柱題詞祇今野徑賸荒寒弔古山泉

效嗚咽採訪從何系歲時弟昆幸未名磨滅題名無年月按吳廷爽延慶

掃殘煙翠共霞紫閱徧羸顛與劉蹶花開有客唱吳趨代遠無

書編越絕班聯漫向天水徵丁甲幸逃雷電掣峯頭攬勝偶銘
支洞口題名任蕪沒誰歟槌榻殷空山崖上黥畱磨煤屑

五月二日同人懸焚榭徵君像於水北樓設祀卽用集中
生日有感詩韻紀事分題於幀付交蘆菴永爲辦香之奉

老去應生兜率天展看遺挂尙翛然才名公自齊皮陸詩譜人

誰紀歲年吾師朱朗齋暨吾友孫雨人先後輯先生詩譜俱未成墜簡採風搜稗史精藍和月寄荒

椽謂月上姪人吟魂想象蕭閒甚冷抱梅花鎮日眠

頻婆果

漫詡聯珠與冷金嫣然風趣勝來禽聯珠冷金皆林擒別名類聚與素奈林擒同類而異種柔條祇

合頻伽宿異馥須從薺蔔尋冀北到秋爭入市江南移種漸添

陰斜紅抹處猜霜早淡白浮來訝月臨林擒一名月臨花易擘玉肌鬆且脍

難描脂暈淺還深胸酥靚女涼愁沁顚嫩嬰兒熱怕禁苔掩點

看清韻散枕函儲覺妙香侵似梨甘美膚偏薄如李勻圓性不
沈齒頰潤同餐瑞柰頭銜卑肯署文林林煥一名文林證成空色仙畱果
解得相思佛印心類案華言相思文曰顯色枯祝回生傳馬珏墮羞爭拾慕楊情
殘年甜俗憎桃李高潔惟伊愜素襟

文丞相琴歌用有正味齋集韻爲陳碩士學使作

宮絃已絕商猶鳴宮商一片變作激越悲涼聲板橋脫險東泛
海風水入軫心爲驚詔書由閩達蕭寺讀借龕燈感難睡淪淪
音含故國愁瀟瀟雨灑羈臣淚虞淵黯兮日欲沈村柝寂兮夜
向深隨身止一琴徇國止一心臣心彈出廣陵散天語頒自枕
榔林明年贛州看復矣兵潰空坑事旋已獨松關七里洋川途
前後皆羊腸此琴當日想伴公北去厓山回首雲天長乾淨由
來惟佛地畱紀君恩數行字就死猶傳衣上銘拒降早示詩中

意吁嗟乎白梓青桐春復秋南征誰更問膠舟同時尙有號鐘
在逆逐忠魂海上游

輓梁久竹

數載鵑盟訂歲寒得君侮足禦騷壇鄉閭族望韋平著門內經
資服鄭殫倘作詞臣華國定再爲仙吏在家難出山何似歸山
好枉被人同小草看

誰望南雲賦大招每從文譙憶風標鬢猶點漆貪兒戲舌偶翻
瀾解客嘲醉酒卽眠狂過阮覽碑能覆敏推蕭席前手取燈檠
折鄉曲尋常舛藉洵

楷字銀鈎蠶尾工柳碑顏帖擅家風解衣弄水涼煙外著屐登
山大雪中胸有積書行作達目無餘子見先空如何垂老還投
牒重向京華蹋輭紅

邑領南韶第一程丸探赤白盜縱橫文翁縱改巴中俗蘇子何
堪嶺外行霖雨故園荒秫隴蠻煙歸旆暗芙蓉城史家通例春秋
學聞尙遺編校未成

魏貞烈女斷指圖

謂女無夫身已字謂女有夫身未事從先王之制可以無死女
曰吾行吾意此指所以志

清尊百集招同人集古歡書屋以四犀角觥飲客作歌

集盈百觥登筵有觥其角加雕鏤靈犀活剝光采麗文章驚坐
須生前異彼秃角犀枯瘠色不鮮伯仲叔季四雅全如麟角擅
才翩翩或黜而澤或橢而妍或跗若束筍或脣若將舒蓮空明
無礙可望月透徹百脈眞通天淺斟暖到臍一半深注香滲肌
中邊主嫌釀薄藉送醕客恃戶大皆流涎騷壇開已歲躔而飲

器詠自宮僚先

始於兩人嗜屋書屋詠宮僚舊詩

銀槎鑿空題張鷟

繼於九松弟樊桐館詠米魯山銀槎

鸚鵡杯

愛螺紋旋

復於小米靜寄東軒詠翠螺杯

犀曾照筵惜止一

又於小牧原上詠犀角杯

勝賞追憶同雲

煙瓦盆拍浮日醉眠縱不羽化亦是仙偶然購此價十千犧尊

無暇稽鄭箋疾招我友出共賞準舊例要徵詩篇分無金玉陪

管絃倘較陶冶差完堅截犀作警導美人頭白誰復憐剗犀作

帶銙將軍之腹徒便便豈如剗中貯醖醑把玩猶得邀羣賢四

觥怡受酒一斗不過費我三百青銅錢今朝拚爛醉起舞衣褊

褰屈指座上客半已歸重泉來日知幾許光景堪畱連犀乎犀

乎我生安得如爾壽百年

和小米放魚詩用東坡韻

琴高乘游誤厯塊謫墮依然金閃背堪憐銜索額成點試看燒
痕尾猶帶豫且致困幸脫網國僑垂慈忍充膾天於神物默護

持三十六鱗完不碎未須理具效笠澤那要投綸俯巖瀨乘時
且待雷雨至弭患已在風波外主人善歌解出聽池上正多良
燕會衆中醫鬣亦粲然何必隨鯨戲滄海

蕙窗見招病以詩謝

羶薌屏置已兼旬病不能同酒一巡郭北簾瓢新樂事城南韋
杜舊游身跛還增媚吾邱衍傷竟成憂樂正春欲領曙堂師棒
喝怕風愁雪又因循

小除日薌泉招集湖上次小米韻

想見臨風逸興騰清詞揮灑讓君能春來湖似新妝女雪後山
如出定僧門外波平浮鏡藻樓前風暖墮檐冰相期同赴探梅
約共選花閒瘦石凭

小米以病脾斷飲以不寐復飲用梅宛陵韻寄示二詩次

韻戲答

君年甫強仕我早花甲過縱使壽百年已苦去日多濁醪把一
盞氣海藉以和君亦酒中仙兩頰天生渦因噎而廢食參較理
則那人言不可聽始諧終見訶新詩寫送似我亦相唯阿宵涼
坐無寐如此粲者何

小米招飲靜寄東軒仍用前韻

頽齡病腰腳咫尺難步過四座別無客才到君家多誰爲陸天
隨誰似張志和君詩駕高浪一派分千渦于思笑復來棄甲謫
則那夜歸匪將軍不怕廷尉訶涼雨灑還住松月窺檐阿有酒
肉可無我是陶非何

次小米烹雪水試靈隱野茶用東坡試院煎茶韻

靈山一夜瑤草生春雪纔霽雷未鳴萌芽石上不霑土量水取

重茶取輕昨歲空探泉第二僧俗無由快人意我嘲古法茶雜
薑桂煎甘冽孤負中冷泉我怪夏之於冬判吳蜀貯雪依然色
浮玉知君消渴同忍饑一槧走送伸雙眉臨風大嚼復細啜湯
候視有清娛隨檢書賭喫對此冰雪可憐色想見舉甌笑潑衣
上淋漓時

夏日閒居次小米韻

聞道隣家絕爨煙雖貧消得地行仙斷無熱客過窮巷賸有殘
書遣小年朝野倉箱何日裕文章冰雪幾人編雨餘風愛清涼
甚吹送蟬聲到耳邊

白髮無多不耐梳老皆如此肯饒余才華不共年華長酒味還
隨世味疏畱有餘糧供夏稅闢將閒地種秋蔬南薰好句生西
爽熱惱因君暫破除

劍秋小米用東坡督歐陽叔弼季默倡和韻索余夏間詩
次韻奉答

敢誇研鍊有都京阮籍從呼一老兵科第編排唐進士文章褒
貶魯諸生青雲已遠前程定白髮無多顧影驚絕少心情裁豔
體輸君樽對小紅傾

崇雅堂詩鈔卷十

仁和 胡敬 以莊

題桂杏農觀察理安訪夢圖

公爲臨東
經之弟

南山深處闢寺門，磅礴之氣山吐吞。
靈秀鍾毓雲雷屯，篤生甫世所尊吾師。
詞翰運海鯤迴如河源，導昆侖疑獄奉

詔雪覆盆，命作賦代餞別樽。

師有勇西之行命
敬作過雁樓賦

桂林遙遙望無垠，道出

江漢擷蘭蓀，舊曾游處釣石溫。
倏騎長鯨返天閭，念與相國行
誼敦。夢中了了示夙根，覺來窗紙明。
朝暾謂偶夢耳，尋無痕。未幾歸旆傳星奔，遂驚相告舌莫捫。
才如難兄

帝所掄露冕，能使薄俗惇。公餘往夢懷玉昆，訪古蘭若遵江村。
厯溪澗，水波沄沄繞寺高。下皆杉栢愛而不見知，性存石上何處畱。
精魂作詩和蘇媿，瑤琨對牀風雨愁黃昏。何年誕降資厚

坤再爲輔弼酬醲恩

閨秀孫嫺卿停琴佇月圖

林外蟾光欲上時
素徽停按意遲遲
賞音自是人閒少
除卻姮娥總不知

聞道蘭闌早擅名
偶拈花朵態如生
琴中亦有丹青在
寫出霓裳一片聲

聞米價漸平詩以志喜和劍秋韻

辟穀苦無方
妄思游汗漫
神仙檢白石
果否足供爨
里閒足穀
翁頻歲門戶
換其餘嗟
鮮飽鬻照
三星粲民窮
乃籲天天公
爲長歎分
敕風雲司
雨暘謹昏
旦時順穀
遂登歡聲
動閭閻謂
言今秋社
定有醉人
看方秋糶
就平稻穫
猶未半商
舟自遠集
赴鎮先登
岸宜雨推
雷車又聽
阿香喚天
教歲大有
書入史臣
翰

快聞海上奸屯積一朝散

四明土臬國豪穀多至百餘萬石近以歲稔折閱出售洵快事也

因之活貧窶比

戶歌衍衍君詩誌心喜勞我時把玩仁慈天已聞酬以銀袍爛

金芸舫心田種德圖圖爲戴醇士寫用蘇文忠種德亭詩

韻

過去與現在悟徹憑心香心明性乃復源清流自長泉亭駐飛
錫巖磬聞上方蓬廬捨已久智慧蘊不忘自言玉峯僧於此開
覺堂因之繪爲圖雲氣含青蒼筠篁斷續砌薜荔周遭牆前因
證彷彿墨妙追李唐

和小米枯桂歎用少陵枯枿韻

堂後楹先君曾手植桂顏其軒曰雙桂樹久枯矣愴先澤之云
亡勉後昆之繼起爰補植焉覽小米是作棖觸於懷爰賦短章
用以誌感

此堂初構成總角年尚記於庭植雙桂默喻老人意從來干霄
姿長養由得地所慚名位薄如彼桂顛顛又如半死桐零落到
同氣小山賦招飲補植明歸思還復望後來增美償先志撫茲
聊寄懷念昔空垂淚有基望重茂貽此良非易灌溉莫辭勤本
撥吁可畏

挽許榕臯同年

憶昔我識君君年初束髮軒然鴻鵠姿志不在林樾西川遠從
政邊衅起倉猝徑提一旅師追寇入窮窟事平論卓最華珥表
勲伐江東需幹材馳檄待君發量移盡赤紫吏首鋤豪滑海州
凋瘵地稼歲苦淹沒隄埵築預時民得事耕墾於民但有利觸
忤敢辭罰蹟其所設施才堪秉旄鉞多才爲物忌引疾志超忽
歸來杜門居朝貴嬾趨謁清淮記歸泛把晤船纜慨訝我何遽

歸山想愛吳越答云親衰病非是戀薇蕨帆開惜匆匆情縈申
未竭何期此一面竟爾音塵歇壯志圖功名君因齎願沒先秋
獨殂謝愁看屋梁月

黃韻珊眷令原樂府題詞

雲霞能翦玉能裁誰擅龍門敘事才一把亂絲收得住織成眞
費錦梭來

題西林吳明府赤嵌從事第二圖

金鱗閃日甲光開效順天吳捧上台

朝正虎符頒禁旅海先鯨浪靖重臺止戈楊僕樓船役磨盾枚
臯草檄才宣贊仁風沛甘雨筆端降得逆龍來

聞道曼胡再請纓果然戎馬仗書生夾舟龍又迎新節緩帶羊
曾識舊名蟲臂易殲黃斗斂旄頭重埽綠珊城扶桑弓挂看猶

在手把仍飛霹靂聲

題方又義鶯嶺春游圖用蘇長公書王定國所藏煙江疊嶂圖韻

鶯嶺秀甲湖上山飛來尙帶祇林煙巖深壑邃飛不去軒翥萬古形翩然中空法乳滿其腹一派瀉作清冷泉駱丞當年此畱句才調遠勝楊盈川羣公探幽復懷古要鬪傑句當風前筇枝不扶腰腳健正值微暖輕寒天撫松十圍勢天矯映竹萬个姿清妍我居近此性所樂雙鬢未素先歸田逕思徵逐雜樵采飽看松竹娛殘年斯圖寫較雅集雅但有僧侶無嬋娟就中圖貌想神似白描好手今龍眠行吟坐聽各展卷意態一一仙乎仙我雖勝游未及預文字已結山林緣後游倘許挈爲伴共觀滄海追賦桂子天香篇

題金環谷經文七體篆摹本用少陵李潮八分小篆歌韻
衡山岫嶺埋煙雲龜魚蟲鳥體不分惟大小篆獲見聞漆簡幸
免秦火焚千載而下疇識真得江與段傳其神君爲江長遠
段茂堂高弟書於六
義首象形能手寫者眼見親江與古爲徒段亦卜少隣心香一
瓣早得分高足繼起莫謂今無人剝膚抉髓異皮相中祕書真
校劉向笑佗世上捉筆兒依樣摹成同木強行年七十古須眉
碑板搜羅精力壯筆勢縱橫氣排宕要與斯冰齊輩行我亦非
韓潮勸我難成歌龍翔鳳翥道不出才薄奈此篆體何

題東軒吟社圖

不負年年把酒尊襄陽記共畫圖存夢中繾綣驚鴻影蘇東坡處
道人侍側泉
下模餉舊雨痕其爲子
律道照位置漫勞流輩賞才華還待後賢論數棧
瘦石千竿竹軒在山村在水村

能來祇許談風雅樂甚何勞奏管絃
爪趾有緣畱印雪功名無分上淩煙
故交彭澤荒三徑追懷仲雅大令雅會蘭亭閱九年
著我茗甌琴薦畔鬢眉神似寫龍眠

題水北樓

歸主鶯花已十年借閒得地讓君先
吳山華屋排雲表越郡遙嵐落檻前
千嶂作屏濃黛潑雙隄如帶彩虹連
望湖倦便看經坐手把黃丹鎮日研

唐梯扶上小徘徊景寫空明枉費才
水磨奔流歸壑去塔輪斜照過湖來
精藍鐘鼓連宵競畫舫笙歌際曉開
更擬東偏除隙地就山僧乞野梅栽

全湖收入筆端難百變陰晴卷幔看
鷺嶺竹煙開曉霽馬塍花雨送春寒
排椿積葑鷗添渚放溜通篙鴨減欄
閒煞釣船門外

泊暖風吹絮上魚竿

煙態雲容暮復朝
長年風景畫圖標
綠楊城補青山缺
黃葉村連赤岸遙
素舫入簾涼自沁
晴暉當戶凍先消
獨嫌巾子峯遮卻
好向樓陰闌綺寮

赤闌干外水浮空
不信門前有岸通
笑客到拖雙屐雨
羨僧歸趁半帆風
盼晴香燕春陰裏
喚渡聲喧夕照中
好是艣枝深夜過
夢回猶認臥孤篷

遺硯依然舊日廬
避喧書味領三餘
載將秋色波閒艇
添得春光陌上車
日落柳陰看洗馬
月明蘆薄聽叉魚
樓居莫訝神仙好
祇恐蓬瀛尚不如

謝園東去市廛稠
紫翠亭連水月樓
如雉引吭排遠堞
似鴉銜尾數歸舟
角聲吹曉開蒼靄
帘影挑春寫碧流
占得新詞同白

石短舫應載小紅游

絕少移文到水涯
膽餅閒供四時花
朗凭露檻迎朝旭
暝拓風窗眺落霞
孤嶼西冷高士墓
行都南宋相公家
我來弔古樓前後
撚斷吟髭興尙賒

題金芸舫採芝圖卽用卷中張仲雅先生韻

世閒何物能長生
大還九轉丹不成
豈知長生自有藥
滿山瑤草抽縱橫
色光味香燦如纈
採借鴉鉏扶寸鐵
幾絲猶帶肩上雲
一朵能回鬢邊雪
筠籃擔著清芬揚
靈山有靈歲不荒
鄂跼紫疑玉刻燕根鬚
青詫珠探羊崑崙
巖畔瓊田裏種徧
不隨蕭艾死搗霜
深夜逢美人囊露
清晨問童子笑佗
蔡誕仙難遇徒守
斑龍十年住但懷
石髓便歸來莫道
松枝無覓處陔蘭
何如商嶺芝束皙
小生焉識之黃金
聚鍊竟爽效白石
揀煮空遭嗤

食芝既與蘇髯共更有王愔曾入夢延年但願此參苓何必科
名始珍重

芝一名利名
草見唐詩

首夏偕薛卿姪展墓西湖用汪小米游嘉禾歸自吳興韻

兼簡小米

勞勞人世閒如彼市一聞行年未七十骨肉嗟屢送欲下省視
之厚地苦無縫秋蟲霜後咽春鳥當風哢造化竟何意顛倒爲
此弄饑寒驅我出遠別愁倥偬歸來曾幾時車過腹徒痛青
隴頭草感我池塘夢

垂老髮漸無在家亦如寺梅霖尙未作熱已同夏季迎涼愛北
軒呼匠爲脩治竹頭與木屑撓我不成寐安得縱清談招其王
輔嗣乃知容足外有好皆餘事棄置不復營償我疏慵志讀史
感無端時時還裂眥

時方盛
思補斯

君詩寫似我歸自餘不溪舟行蔥翠閒世界成琉璃想像橫
軋穿過溪橋低溪桑互迎送步障一色齊柔條何婉婉如女猶
未笄東皇笑柴瘦裏以青綠綈披拂亦偶然轉眼霜風悽篇終
作綺語我尙心霑泥

題閨秀汪靜芳眠琴綠陰圖用元遺山聽喬夫人鼓風入
松韻

樂府曾傳操與行指閒流水軫閒星石牀荷徑得閒趣翠竹碧
梧傳散聲蜨度花前方栩栩鴻飛天外自冥冥昭文不鼓意能
領何處捕蟬將夢驚

題閨秀汪小蘊游仙詩後

林下誰如謝女才培編珍重卷還開性從薺蔔香林悟品向華
嚴法界來有客千言耽道德幾人三度到蓬萊空空妙手非非

想想見天花滿鏡臺

吾鄉風雅久沈淪慚愧承明舊直身
妄欲游仙隨郭璞斷難騎鶴似堯賓
別裁空抱無真賞懸解能參有夙因
詩法由來比書法我嘗心折衛夫人

和小蘊女史瘞螭作元韻

夢綠華應舊識君本空色相遠塵氛
佛堂埋豔同鈿盒仙筆搗詞記彩裙
五月梅花吹有笛千山榭葉夢如雲
瘞於綠梅樹下羅浮螭也劇憐羽化魂難返
鬆撥香泥爲築墳

題謝文節公遺琴和吳素江韻

南望礪州北冀州七條迸斷此生休
窮邊雁陣關山月孤館松風海國秋
黃鵠再彈同寄慨紅羊逢劫那勝愁
殺機指下如先悟誓斬師夔一顆頭

卽死何由訪洗清開關茶坂怒難平橋邊賣卜空畱硯江上提
師竟失城家國兩無存活計宮商都作別離聲逋臣偷息緣親
在敢效成連泛海情

往事掀髯論總非天涯風雪滿麻衣身如鶩鶴垂垂老目送征
鴻渺渺飛抱節肯隨桐爨盡論材追憶梓宮歸重山高與西山
等歌罷何心更采薇

拋卻黃閒與綠沈囊中惟剩伯牙琴荒臺臯羽同悲哭古寺文
山有嗣音莽莽平沙亡國恨洋洋流水故交心畱傳比似延陵
劍欲和詩愁思不禁

寄懷吳素江仍用謝琴元韻

記自乘輶莅歙州遂因陳養賦歸休珂鄉遠訪千餘里蘭抱同
傾十數秋周覽山川君有術未安窰窰我深愁棲霞嶺側沙隄

畔屢爲輕舸喚渡頭

老年婚嫁債償清大好游山學向平分與藥苗眞益壽寄來詩
句比長城縱扶鳩杖猶童貌慣聽楸枰落子聲眠食近來無恙
否雨翁遲暮最關情

柴桑身計未全非早把朝衫換褐衣有好在龍談不厭此身如
鳥倦還飛愛披芸草當風坐笑折梅花冒雪歸頭腦冬烘心蹟
淡束脩羊異首山薇

韻磬號鐘蹟久沈君從何處購斯琴鬼神呵護畱貞幹山水高
長契古音堂下斲輪皆老手房中賡曲有同心蘭條敷秀桐枝
長暇撫松風樂不禁

從古民乞貓

承惠烏圓雄撲朔更商作配比鸛鸛無蠶上簇慵題券有鼠跳

梁急裏鹽日午戲堪徵粉本夜深眠其護芸籤叢殘老尙遺書
在插架還期逐歲添

奉和煦齋協揆師卜魁城見寄元韻

小草經培植雖衰尙帶芳千秋瞻事業一瓣奉心香憐病勞裁
束教吟憶侍觴鱗鴻珍墨妙無分拜瓊章

蒙師賜箋竟爲
寄哲人乾沒

題協揆師卜魁集卽集卷中句

結屋依城十笏寬閒文章偏要炫奇觀題聊齋
志異此心與境同空闊

宿啓是
吟詩入得青雲耐得寒雪中見
紙寫

不接羣仙始信孤山行程欲訪舊粉榆魯已未
舊韻月來日往憐時節

清已把良弓付獵徒靜
坐

又將襟抱一時開森著手生春妙剪裁魏朝
韻遙望峨眉山下拜牧公
詩

分無仙筆與仙才

對
月

和屠脩伯登韞光作

浹旬雨連絲，鵲報晨霧山。游踐成約，排日來以次。君來惜較遲，未許接吟袂。新詩寫似我，首首如翻偈。謂言春欲老，令謝感生帝。不老有煙霞，旋斡四時氣。

茸茸芳草色，綠徧高下墳。瀕湖數里地，魚鳥恬心魂。竹吟與松奏，清絕耳所聞。名利兩不趨，地罕逢輪轅。疏鐘逗林杪，尋我入寺門。現在過去間，妙諦心默存。門前一泓水，冷欲尋其源。溯溪復緣坡，如馬行暉中。途藉支拄，感彼筇杖恩。勝境怕強迫，未免山含冤。況非九折坂，陟險殊王尊。

江湖滿眼前，浮動光四溢。年來結耆胸，陡覺變靈活。林陰一堅坐，如鳥得清樾。傳聞僧開山，今乃不供佛。得毋山蘊靈，下有蛟龍窟。因之駐飛仙，資以鎮山骨。我思結茅住，消此閒歲月。老去

學長生素檢翫莊列

峭壁立千仞後若無路通躑躅正作花經雨色不濃誰將淺絳
帛橫把山腰封散爲天半霞因風墮虛空溪流瀉花閒戛石聲
琤淙回看所來徑萬綠煙濛濛同游笑詩老勇欲躋高峯金蓮
未許窺吹被海上風蓬萊不可到望眼徒朦朧

陳雲伯同年放天台猿於靈鷲和小蘊女史韻

放猿省識君深意遙指湖山便是家且住好看靈鷲月乍來猶
帶赤城霞幾回溪畔尋桃片一樣林閒伴桂花

天台賦八掛
森挺以淺箱

徑往呼

之渾不應理公傳戒有袈裟

佛手柑

如佛兜羅手嘉名雅稱柑燦然眞色相淨極老叟曇華好還數
潤芳馨又蘊甘給孤栽徧地彌勒引同龕黃其慈雲捧清猶湛

露涵有文都結縵將蠟與封函拈出禪微悟包來化遠覃得分
應合十布寸恰盈三絕勝薔薇盟疑從薔薇探散花姿互映指
月義深參大小垂枝重璫璫證果堪種因呈瑞衍緣肯合歡貪
顚顚標眞諦空空助雋譚氣逾沈水烈術定點金諳高揭看聞
印紛攢想盡簪光飛穠煜煜香裊帔醺醺傳值燈初試聞宜酒
半酣摩挲愁戒破拂拭怕塵含性不移淮北珍先貢海南威儀
瞻竺國攀贈憶湘潭敗絮藏何補柔荑比總慚餉勞酬令節供
擬擇精藍似爾莊嚴好深予臭味耽洞庭霜信早和葉滿筠籃

題錢秋峴北郭峴園圖

園中景曰見山樓曰觀湖曰桑拓徑曰竹間亭子曰水閣曰釣船曰桂屏

湖山如美人背立看更好煙鬟與霧鬢梳洗出清曉亭亭寶稷
塔戍削聳雲表宛然玉搔頭插髮妝未了名樓以見山離合字
何巧想客不敢題謔恐同凡鳥樓因昨新建人尙知者少我入

不得門步向垣外繞村氓爲指點仄徑穿窬窰入門主未至僕
訝客來早平生看山興竟日殊不飽矧茲地幽曠車馬絕紛擾
縱橫畝七十環以溪浩渺巨流拓成湖細亦瀦爲沼瀕溪界土
垣代瓦覆之草中分脰樹桑其外穰宜稻時方菜著花耕待遲
小卯桑閒植蔬果菘韭雜聚屈曲護枳籬結構摒華纈主人
爲余言守樸庶長保養魚波粼粼種竹枝嫋嫋魚游愛溪寬竹
愛溪縈抱還於竹深處累土成小島添架屋數楹觀魚戲蘋藻
藕花當夏開衣或緋或縞納涼招閒鷗溪櫓柔可棹聞言我狂
喜林欲探深窅卽無藕花看且賞風中篠惜哉雨竟日散步苦
泥淖賴有老寓公眉龐瞳子瞭調陳厚甫前輩詼諧語時作一座爲傾倒
桃李亦破顏嫣然滿林杪主人負經濟營此特其小我生悔不
能學圃藉娛老斯游興未盡勝境約重討來謝主人迎花徑何

煩埽嵐光挹晴霽當牖山皎皎媿無絕俗句可怕美人惱不如
作臥游圖借摩詰藁

上巳雨中小米招集水北樓分得映字

四山雲濛濛黛溼妝減靚風吹雨作珠亂向波上迸迷茫連一
白空水相掩映晴雨值偶然世事無全盛清觴舉前月入座人
未病誓墓早歸來斯人秉高行謂秋士亡友死生亦大矣感慨情難竟
逸少先我知流觴順時令晚來林雨歇山色洗逾淨行樂且及
時身在我爲政

韜光

十年前記訪韜光拋卻筇枝到上方腰腳依然如昔健鬢眉原
不自今蒼老思山水供陶寫高覽雲煙接混茫更擬重游過夏
節林閒新筍粲成行

疊前韻

曲江在左明湖右眼界嘲佗限一方左右不分看到此江湖而
外氣青蒼西臨竺國境幽邃東望蓬瀛程渺茫我欲乘風便飛
去新詩吹墮兩三行

挽汪小米中翰

欲挽時流返古風十年心蹟印相同識君已在歸耕後許我能
超習俗中偶占科名情冷淡不矜家世度謙沖擇交似此交原
重太息書帷一夕空

絕筆看山淚泫然夙根省悟淡情緣一枝先駭荆花折兩度空
悲璧月圓陔膳自今勞弟奉楹書佗日望兒傳眼前多少關心
事能到彌畱念盡捐

誌傳哀鈔怕就湮肯搜塵篋刻遺編覃思訓詁昌經學小築湖

山選地偏樂府倚聲姜白石詞壇豪飲李青蓮清尊訂集還消
夏花萼簫中聚七賢

如此人亡夢亦驚夏初春末事分明棲遲鶯嶺連朝懺往返駕
湖數日程寄有新吟傷雁序帶將微疾赴鷗盟從今怕過城西
路鳥語蘊香百感縈

孟夏和屠脩伯登韜光作寫寄小米時已病不及展視矣
詩未起草追記存之復用韻賦四章以志哀痛

看山赴君招蠟屐趁新霽迎客諸弟昆肩隨若鱗次君言將小
別歸再集吟袂導登選佛場老衲方說偈我聞世俗懺傳自梁
武帝功德君稔知齋心爲同氣

白眉傷早世卜兆謀營墳舟行述長句告慰地下魂情深語自
苦地下應亦聞奈何聞欲逝而不攀其轅君家世積善舊德表

里門已痛一个弱長者宜久存跖壽顏早亡理孰窮其源我欲
枕君股慟哭同元咍相似在心迹感異推解恩非我私所親有
識皆煩冤從茲吟社冷無佛休稱尊

聞君浹旬來食減米一溢百藥枉云多草竟無獨活海山尋舊
侶棲肯戀林樾醫巫術兩窮禱祀徧仙佛二豎爾何虐膏肓恃
爲窟悽絕瀕終言湖山屬埋骨遺書等身在誰復眼如月世無
鄭康成肯在弟子列

匪惟經學邃餘事才兼通賦詩及填詞味淡色怕濃頻年寄我
什檢篋重開封手蹟認宛然可歎音塵空人生例遷化赴壑同
飛淙遲速脩短閒數自操鴻濛泠泠水磨石灼灼巾子峯魂魄
倘戀此來去隨清風登樓賦大招月暗煙朦朧

題張同莊塞外從軍圖

記得藤花古院開停車曾訪鄭公來流觀壁上紗籠句早賞張

爲是雋才

曾在純丈香閣京
寓閒見君詩

口裁箋奏手弓刀萬里從戎氣轉豪天遣才人來絕域燕然山
代勒銘高

歸來不改舊漁磯鴻蹟回看已盡非賸有斑斑知己淚尙和冰
雪浣征衣

老我柴門養舊疴菰溪西望邈山河無緣得借嘉州集快讀輪
臺塞外歌

次古民見懷元韻

畝東南與戶西南家事辛勤帶病擔

時感補肝
新落成

骨不清奇仙枉學心

無愧悔佛傭參半生領取貧中樂些少畱分老去甘此後倘能
身健在擬栽梅闢徑三三

歲豐人尙斷朝炊借給猶難況解推奢願莫償應諒我抗顏無
補敢稱師科名輩行看排比風會鄉關訝崛奇挽俗未能文字
拙過勞矜許媿君詩

謝吳素江惠何首烏

綏山之桃世希有人過中年漸衰朽蹢躅已遜葵衛足牽掣復
苦楊生肘平生無意享鼎烹垂老所患耽杯酒由來積溼埽除
難因致生風鬱蒸久劇思和劑訪醫士翻恐偏攻傷氣母長餘
石髓硬在胸那得肉芝肥勝手多君饋以特健藥顧視盈筐笑
開口相傳何氏本奄兒餌此生男更烏首九真定可證仙去七
寶誠能美髯否藤連赤白互離合根判陰陽具奇耦象形堪詫
鳥獸奇遁蹟應關鬼神守叢巖絕竅靈氣聚碧葉丹莖狂蔓走
老因稱伯稗稱奴小或如拳大如斗無緣祗鼎惜羽客有暇攜

鋤想樵叟山山徧採載歸舟歲歲分貽煩老友云嘗服食功有
驗贈與資生意良厚黃金滿車品珍重丹汞投鑪訣傳受豆蒸
取汁七用磁桑析爲薪甌宜柳擣春何須玉杵臼羅以濾之櫻
以帚按成珠顆質勻圓曝向曦光色深黝消寒剛值圖啟二記
數已盈丹轉九頻年饑饉歎呼庚來歲豐亨喜逢酉乞漿得酒
忍不飲服藥延年料无咎草元解況有童孫鑷白媚原無小婦
但期精力能完固已覺形容變頑醜憑作丹砂同鍊顏我獨宿
疾君多壽

東吳素江乞首烏仍用前韻

物欲其嘉先欲有有乃探囊如拉朽評量未許少圭撮爲繫干
金方在肘君曾以服首烏方見贈索取珍逾裘頂茶蕢來品重餘杭酒感君投
贈歲成例知我拘攣病嬰久豈無稗販集商賈多半欺謾營子

母頑仙絕少度人心良相難逢醫國手說龍終日那果腹懷鼠

向人空掩口與遭鳩禍不旋踵甘效狐疑莫濡首勿藥有戒我

云然懲羹而吹君曰否產記牛頭應不誣

李翱何首烏錄出賓州牛頭山

名同馬肝

亦其偶

首烏一名黑石

滋培毋忽一溉功導引絕勝三彭守況茲取用在

草木原異戕生到飛走生不願白璧種成田亦不願黃金高似

斗但願青箱素業付家兒白木長鑱隨野叟未能習靜養黃嬾

難免沈酣昵紅友傳文昔纂李翱詳

李翱已收入金匱要

交誼今叨吳質厚韓

君市肯輕論值康子饋曾親拜受果然收效敵參苓何必稱名

襲桃柳

首烏一名桃柳

蕪以老桑齏以白齋心享之同敝帚濫吹竊比東

郭生

謂前以詩謝

毫挫重干北宮黝造浮圖奈尖未合行百里方半於

九預諏柔日先後庚

服首烏宜偶日

如借奇書大小酉斷屠羊肆我縱貪

求益菜脯君勿咎湖濱水暖魚漾子林薄春晴鳩喚婦望終加

惠敢瀆請復寄長篇自忘醜起余同往交外游簪綵幘爲花上壽

次夏松如登開化寺浮圖元韻

登高能賦羨君才顧我龍鍾老可哀無力更攀欄檻上

余登是浮圖已四回

十載有緣還對畫圖來卻看風雨毫端落已覺雲山眼底開猛憶

江南舊游地雪泥畱趾首重回

余嘗登金山金陵兩浮圖

題嚴厚民燕京城南祖墓圖

曾記孤山拜墓田高風桑梓仰前賢文孫譜攷東西眷重向燕南訪舊阡

繪圖畱與族人知霜露天涯繫遠思好把丹青鐫入石扶風添个武梁祠

一徑松楸認舊栽依然丙舍向南開得邀夫子親書記比似延

陵表墓來

墓前爲芸登
相國師所書

傳經心事定無違
文度佳兒玉雪暉
隧道異時華表補
千年重

感鶴來歸

又村招游靈隱感作仍用去春游韜光元韻

也識身如燭火光
病深重起本無方
祇餘雲木搖空翠

小米疾革
時有問我

何處歸西湖
滿空翠句

不見才人到老蒼
對佛依然山楚楚
尋仙何處海茫茫

與君兄弟論交最
草宿難禁淚數行

古八垂老惜餘光
醫俗於今竟少方
羨子等身書種種
媿余在
鬢髮蒼蒼頻來此
地觴傳送一墮重
泉夢渺茫三益可
堪從此
絕更憑誰示我周
行

讀戴金溪先生無題詩感而有作

年來女伴太生疏
賸有閒情未懺除
畱我翠螺供點筆
怪佗青

鳥託傳書風光流轉波無定花樣翻成錦不如笑煞東塗與西抹阿婆妝試上頭初

妝束而今效狹斜本無才色向人誇最工作合惟房老不解真憐奈主家天上已曾榆有樹月中何必桂方花綠窗金縷年年壓冷倚西風看鈿車

也攜匳具也然脂爭奈僵蠶不吐絲白蠟代吟人定後青衣傳送夜深時訂將碧玉貧家女倩作珍珠絕妙詞一樣芳名署仙籍艾憑荃化有誰知

判然東鰈與西鵲織素人難比織縑能買侍兒情繾綣易瞞阿母禁森嚴探來牛渚支機石引得羊車灑戶鹽狗走雞飛任驅使天涯猶到況重簾

烹龍炰鳳醢麒麟孤負餘杭酒一巡偏向曲中逢舉舉可堪畫

上失真眞佛門高弟塵遮眼官府神仙債滿身小劫匆匆三百過等閒劉阮又迷津

一編唐韻寫銀鉤筆誤爲蠅復誤牛無可奈何塗又改不曾眞個惱還羞仙剛望到風偏引寶爲裘成月待修同樹開花異飄墮溷中茵上雨悠悠

乞得神符紙一張渾忘風韻老徐孃模餽名竄婁羅歷塗抹身登傀儡場豈料星難將月替可憐李竟代桃僵從今婢要夫人學先學簪花字幾行

吳宮教戰隊紛紜娘子憑誰將一軍漫哂尹邢多妬疾須思王滿有彈文羅浮風雨遙相合周召姬姜了不分未識展禽休浪保免教雞與鶴同羣

九光西母御層臺高會羣仙次第來林下尙餘青障在水邊重

又絳紗開鮑昭未必嫺經訓道蘊原非續史才妝飾競稱時世
好幾人身果到蓬萊

尙與蓬山隔一重開堂光碧敞簾櫳眼明可似揚州月眉畫原
仍漢代風斑管拋荒妝已洗璇機停久織難工飛昇還仗吹噓
便休再徵糧減塞鴻

憑牒甄才剏彼都美人重選爲披圖祇憑闋字呼鸚鵡未審鄉
音聽鷓鴣代籍注名聞古有芳洲申牘想今無侯光婦卽梁鴻
配但改扶風籍隸吳

好到登徒喚奈何捧心人少宿痼多幾曾功行三千滿空負年
華十六過何粉荀香聊采取沈腰潘鬢爲消磨鄭箋畱待佗時
作且撫瑤琴一放歌

天台萬年藤杖歌同方雲泉用東坡鐵拄杖韻

老來路怕石頭滑扶愛藤堅且多節有客天台採寄將鏗然卓
地諧金鐵是誰赤手入滄海生捕蛟龍浪掀裂瘦筋拔斷血橫
飢分擲巴邛與甌越一垂石梁濺飛瀑一挂峨眉冒晴雪是藤
是竹不計年鱗鬣怒生猶未歇我從近處先乞取想陟霞岑探
雲穴蛟龍變化神鬼驚驚走身宮舊磨蝎仙山把此尙能到恐
被羣仙笑華髮不如金策振鈴鈴招引興公法爲說

仰山樓落成戲題四絕

柳塘花鵲恁勾留管領明湖十四秋我是前身蘇玉局水邊新
起看山樓

樓臺起徧地東西身後何人爲品題

書院後秋水菴爲
賈似道別業遺址

輸與窮愁杜陵

老草堂長占浣花溪

望中蘇白兩隄斜煙水磯仍傍水涯

書院爲明張瀚別業有
煙水磯卽宋趙旉遺址

割取茱萸

三五稜換栽楊柳與梅花

事如春夢了無痕蘇句賸有名心一點存
佗日師生齊不朽仰山

樓對相公墩

崇政相國師撫浙時以洛湖土積湖中近築亭於上人平爲阮公墩

仰山樓卽事有作

樓面六橋隄西冷西復西
漲高添港闊雲重壓山低
雨後縑絲響風前布穀嘯
村農戒耕作相喚把鉏犁

虹影收高嶂曦光放遠汀
樹分千種綠山送四圍青
圓簫敲耕隴輕蓑晾釣船
晚晴開一霎檐外又雲停

盡拓窗三面風高不染塵
境如人曠達詩比酒清醇
笠屐圖中客煙波釣者身
重簾晚猶卷畱看月華新

麥信交秋月槐陰入夏天
排衙蛙奏鼓買渡苻浮錢
菖葉迎梅雨榴花解糗筵
鬢絲無計改芳序自年年

山中雨歸

頻來松柏下成蹊流水彎環路不迷風輕草香胡蝶宿霧深林
暗勃鴝鵒一肩笠瀉淋漓水雙蹠蹠拖滑澆泥歸上重樓憑檻
望夕陽明照鷺峯西

仰山樓晴眺

青山如游龍宛衍排空行又如風中浪一起復一平龍眠浪亦
息萬井開會城看山新構樓水木明且清終朝對嵐翠雨好何
況晴非敢比望湖名其坡翁爭城中苦馳逐聊此閒餘生煙霞
性夙耽軒蓋念久輕何人泛滄海使我心怍怍

景賢堂坐雨

相對惟梁燕蕭然一室中草香因過雨花落不關風屐向東山
借樽先北海空更無人見訪愁絕白頭翁

憶女孫順兒仍用前韻二首

可與金鑾似纔離繡襦中膝前承愛日林下紹清風
慧識銀鉤小翠華鮮嗅翠釜空抱從燈畔戲知汝念翁翁

勝於珠一顆擎在掌當中幃掩休窺月中韜尙避風
餅偏耽不托紗欲試方空旋轉渾無定欺佗不倒翁

憶兩孫如兒宜兒

兩孫吾未見於外八年生幼者聞聰穎均之望長成
含飴酬婦願傳硯繫余情爾父年如許何由效向平

山行

左右松杉儼代栽玉泉山下墓門開婦家親與姑
家族定向重

泉問訊來

先隸左邵氏爲大母家遠
祖石許氏墓爲內子家近姻

鷗依母近釣魚磯鷺哺兒還出谷飛濃翠萬重人
借蔭松風涼

沁入生衣

泥輓崖低徑易登一枝瘦杖策紅藤日當停午風吹笠飯顆山頭杜少陵

既難祿養答劬勞浮世功名念久消老淚一雙年七十歸田心事慰今朝

仰山樓對雨

游人興阻老農愁狂雨連宵曉未休正灑亂珠浮水面又磨濃墨潑山頭欲書細字暗成文尙著重棉涼似秋孤負明蟾三五夜黃昏催使下簾鉤

雲氣銜山吐復吞家家新漲沒籬根荒池蛤吠寒蕪合古樹鴉棲暮靄昏纖已機絲停永夜香無餅餌度前村大裘廣廈前人句此願難償念要存

西湖紀事詩十首

十餘年作西湖長飽看雲煙破寂寥明月千山宵放牧

滿堂爲多以此

清

風雙徑曉歸樵

樵者一由岳墳一由松毛場入城

綠篷青幔浮梅檻

近年湖船多以綠油篷懸挂旗幔角燈翠

蓋朱幘奔錦標

錦標在沙河今集湖上

何似米家書畫舫味經譚藝暮還朝

詞宗

舍仰山樓

別增山秀減波寬

葛嶺樓開闢地殆盡又吳湖水而較窄於前

風景年來頓改觀隄輦踏沙

原勝石

萬時堤上皆平沙後墊以石

塔高承露竟摧盤

盤散塔高有鐵

金樽檀板莊更主蘆

汀菱汀稅入官

湖洲水淺菱多爲居民侵佔

獨有飛來峯畔寺舫棧依舊聳雲端

雲林寺遺蹟近方落成

游偕諸老記兒時名勝流傳我畧知荷爲補栽重闢院

劉院風荷蕪沒已久今畧

爲修葺補栽荷花

檜因逢劫不畱屍

出臺前分屍檜余猶及見枯椿

閣園香雪梅千樹

孤山集居閣及梅花爲許玉年所補

隄展新陰柳萬枝

癸未甲申間湖堤僅存枯柳數本後屬魏倉伯補栽前屬胡廷農太守禁止攀折今已鬱然成林

好是跨虹橋

畔望波光容裔岫參差

垣脩西郭燦如屏

時脩城南畢工

缸貯南山鎮有星

自神仙舟中丞朔望委員查驗玉皇山七星缸貯水後杭城火

患較爲平安

阮相舊墩遺愛戴

阮公墩鎮錢伯瑜方伯捐廣築亭建碑爲一名勝

錢王崇祀妥英靈

祠廟崇行書余力請諸局歌臺中丞今已載入祀典

羣賢遺奉堂編志

乾隆間大興朱文正公廟創建正氣先賢遺奉三堂神位於六一泉後屋圯改奉金沙港

余歸時值屋又圯兩相度照原臺易屋請諸仙舟中丞

精舍重開士講經

前設院相國建話經持齋招諸生肄業其中後臺至高海觀中丞陳芝樹方伯在浙復舉行之

胡心亭已沒入水不可

更喜諸公風雅甚蓬萊新起水心亭

欽近川沿河餘皆重葺

雨多趨閒瀉狂瀾水落沿隄漾淺灘

近沿湖一帶多爲諸暨流

高槐表寺聚門攤

竹黃貨郎諸攤惟聖因寺前有之

舟藏有廠畱方礎

廟殿今惟梁縣石在橋露無

亭綴曲欄

湖橋有亭如金橋綴以紅欄映帶有致

臺榭荒蕪林壑在不施金粉耐人看

祇有雲山面目真其餘興廢總因人

梁氏葛林園以松葛樹面

蘇白祠仍耀水濱

蘇白二公祠爲陳

花亦愛財新設像

以北海財神像移置湖山陳廟中沙

原通港舊棲神

金沙港前殿供奉關壯武港沙久
於近倚開通溪泉源遂無淤滯

浮雲變換須臾事且醉樓

頭酒百巡

分厝爲基聚作場

湖上停柩以分厝者爲掛
基同屋聚厝者爲寄場

浙西敝俗甚錢塘攢宮規制

沿南渡蕭寺榛蕪付北邙

佛殿前地安爲佳
持僧與人作壙

有母寄居僧律敗

湖上僧園近
多以奉母爲

名教婦女藉口
探親往來不替

無官防護墓田荒

徵徵相國師刊有兩浙祠墓防護錄凡先賢祠墓飭
地方官年終查報立法至善近爲豪家所佔者多矣

事關名教兼風化申禁何人爲上章

莫嫌勞勩莫遲畱疏濬功須亟講求最擅父風王大令

伯明竟遭

官謫魏其侯

謂急

鴨從隣惱傭拋彈

烏伯於湖中諸魚食野蔬
禁止養鴨以其食魚也

魚到苗生忍

用兜除卻論文都不解往來惟我似閒鷗

居鄉原不領胥徒警惰褒勤有耆夫

湖工設
有委員

雨霽村農催赴役

時自
陽

土以積
雨停止

天寒莊戶例交租

養魚法於春開買九江魚于南之湖屆冬令漁人
打魚歸原值外以盈餘分給之總其事者爲莊戶

魚槽魚

簞蓬橋設

魚簞裝湖蓬橋
皆編竹爲限

菱葉菱花接港鋪

湖產刺菱歲值千餘緡
菱浮水面與葑不同

服食旣

諳栽茨法秋風生許采純無

秋峴言茨實向爲山禽人占種云其苗根自湘湖摘來及取實種之與湘湖不殊余思湖菰舊著名今則

取給於湘湖似種菰亦可種植茨法也

聞道歸無半頃田爲民閒費歲三千

仙舟中丞以公餘銀四萬兩贖商生息永爲濟湖之資

從今撩

草休闢卒在昔封椿枉耗錢治準河渠三代法名齊唐宋兩朝
賢視公病起重持節來管湖山更幾年

同人集古歡書屋汪劍秋用東坡樂令先生生日以鐵拄
杖爲壽二首韻詠天台藤杖壽余七十依韻奉答并抒近

懷

何妨食肉也稱仙逃卻功名老去年蔗可尙容佳境入藤原難
喻此身堅盤殮小設耽衙飲書卷長拋愛晝眠自笑因衰身愈
嬾怕拈文字罷談禪

且鬪樽前現在身忍教時負小陽春菊殘鶴斂脩脩羽梅老龍

飛片片鱗貧裏年光垂老日醉中風景太平人堯天自擊堯衢
壤多謝魚箋譜鳳鈞

和高已生重寓西湖講舍作

竹遞涼颼韻勝簫荷喧驟雨勢如潮頻來問字談經地又近金
風玉露宵兒女閒情愁易觸英雄往事恨難消年華七十過彈
指惆悵尊前白髮飄

明河南巨火西流何處穿針待上樓七夕閨情皆向月一年詩
味最宜秋拖籃染翠峯峯麗乞竹分花事事幽借問長安鷗鷺
伴買山能似我閒不

憶昔游次芸臺相國師登望華亭看雲中九華山詩韻

本無肉食相飯飽同何曾又無神仙侶舟泛偕李膺有亭盼望
華憶昔冒雨登時雖別春夏一例雲歛蒸九華隱雲中入定如

禪僧登高何所賦，恕我才不能此游。值晴霽，幸免山靈憎。朵朵青芙蓉，削出光飛騰。如機設九張，曳練兼拖縉。如屏展九疊，窈窕還峻嶒。九疑隔瀟湘，且讓羣仙升。九曲藏武夷，難擔遠道簷。不如乘傳便可暫，虛闕憑亭中。一泓水照髮，驚弱髻。亭外數竿竹，觸手生觚棱。緬懷昌黎筆，豪氣尚可凌。更愛玉局歌，異事海上增。兩公各默禱，誠感非氣矜。師才韓蘇敵，來撥雲層層。作詩儼圖畫，秋露毫端凝。

透光鏡歌次芸臺相國師望遠鏡歌韻

以銅承日一握圓，著壁電影空中旋。銅如紙，可直透背始信人巧能。奪天盈盈如水明，如月三五而盈三五闕。盈處生明闕處無，又借天工寓於物。或云類亦方諸耳，向月承之則爲水。陰魄收將玉鑑中，寒暄沁入銅槃裏。或云月望殊朔日日入地心月

斯食食餘兩尚隔地輪顧兔依然騰采色是誰吹律氣殷空取
嶰谷竹裁作筒黃鍾匊閤緹室靜綠野姿發梅梢紅不然仙家
三昧小各逞精能上蓬島戲投環壁大海中倒映層巖光更皎
抑何爐冶通神靈鼓橐毋乃招醫星自從水飲上池後隔垣洞
見人眞形咸陽舊製無由見畱得劫餘銅一片森森照臙毛髮
寒照膽雖奇猶對面瑯嬛仙館今瀛洲晉謁竟擬拏扁舟師家
吉金富歐趙軒鏡鑄可圓如球更從江心覓龍護時節已近陂
塘秋

高小垞冬日以藁束樹本名之曰樹衣偕同人作詩索和
次韻戲答

庭柯冬畏寒攔櫟爲調燮脈須培本根澤乃布枝葉命酒將杏
嫁書符與桃貼賤嘲芻狗棄貴詫茅龍挾護花具別裁結草師

往牒膚增雪兒暖氣早風姨懾疥馬戀枯楊圈豚露剛鬣如著
犢鼻褌如擁羊毛氍如鞵系不解如裙縐留褶如蓑曳襠褌如
襪裏重疊如褰繭縛蠶如輪翅抱蜚衝霜肝僅掩被土齋肯攝
將軍絡篋瘞進士踰鞢獵丐之敝縕袍裏以合歡襪青行纏製
佳黃綿襖候協新吟快脫口奇繪紛滿睫行看羅襦解意早滑
稽愜預想綵幡懸令轉芳華捷不束腰愈纖生香袂先裛樹樹
錦纏頭紅氍帽簷壓

阮賜卿湖墩買夏圖

趨庭身侍謝公游名勝寶區攬八州此是最先持節地棠陰深
處泛扁舟

訪經荒落魏幹材老去湖樓面水開知否仰山題雨字語從孔
子世家來

波影開匳柳散絲翛然荷淨納涼時回思學海棠開處買夏論
團爲荔支

君歸綠野奉高堂壽考裴公返雒陽佗日重扶鳩杖至就湖墩
畔共稱觴

書頻羅菴主詩草後卽用卷中題丁隱君貝葉經詩藥韻
爲張仲甫作

古今體雜長短句挑燈起草工研磨吟成不安每勒帛佳處綴
墨如旋螺叢殘斷楮畱些子墨瀟淋漓閒朱紫落筆都成五朵
雲狹纔寸餘闊盈咫當時棄置那復珍材補百衲藏逢君想君
裴池完好展相對禪誦之下香用旃檀薰不徒詩格賞華妙歎
絕駢語游戲亦復成高文卷中有像
題文塗鴉縮蚓笑我不成字竟敢跋
尾拈吟髭續貂貽誚泉下幸見恕恕我書拙詩無疵欲畱把玩

數日可怕君索取風日又到六角扇上揮毫時

卷中題圖扇云市頭老
煙休傳去不是當年寫

扇人雖自謙
亦自許也

梅花卷子爲冬心先生畫董浦先生題

老筆紛披有如此二老風流長不死詩如其畫畫如詩爛漫天
眞兩相似畫梅有專家或姿態似氣韻差咏梅有諸作無梅風
格梅作惡豈如二老腕底氣韻風格早與梅花同筆未著紙神
先通偶然點筆偶題句但覺筆外句外滿幅皆清風詩如翻水
清如話想見胸無俗緣挂橫書花下短長曲折歛復斜有如此
詩不可無此畫畫成夢到孤山時雪窗信手寫數枝因風寄贈
淋漓點澹墨猶溼有如此畫不可無此詩畫兮展相對我欲題
詩苦難配詩兮和更難我思錄取作畫看性靈既深才復厚書
不名家亦能手誰云舊史拙揮毫堪與此畫此詩同不朽

題清尊集用劍秋韻

勞將東里老迂儒寫入西園雅集圖

小米繪有東軒吟社圖

耆舊昔曾陪杖履

朋儕今已別京都病餘始覺名增累衰甚非關醉索扶忽憶趨庭年少日尊前悲欲效唐衢

輒紅塵絆幾多時那有豪吟比牧之交淡未嫌投紵少才疏深悔解纓遲睠懷故里頻通夢檢點歸裝剩有詩一自湖山容嘯傲雲煙憑我筆驅馳

分拚邱壑過餘生鷗鷺閒招值浪平入座渾忘賓主誼侑觴相戒管絃聲醉成鸚鵡翩翻舞聽到蝦蟆厖亂更時序十年詩一帙就中多少合離情

清風明月不論錢謬豕譌魚待細研北樂府參闡秀作西泠社繼

國初傳詞壇公輩須肩任

近聞夏松如諸君復聯吟會

姓氏吾家台首編

集前載拙作香山會亦首

聲卻恨音容半凋謝梓成無術寄重泉

庚子仲冬夏松如招集濃華書屋嚴澹生司馬以西域從軍圖屬題時嘆夷犯順據有定海已六越月同人語及海上近事因及之卽用圖中陳杳田元韻

海界南鐘鼓梵刹聲沈酣海界西日月躔度分高低宅西昧谷尙餘種寇效東倭來接踵舟山一夕烽火生半載未撤防邊兵天心無私國威奮鼠輩敢肆縱橫行一時韓范徵難起武敗生還文効死分艦還乘澈浦虛揚帆直向津門指傳聞殺賊喧兒輩鳴鉦伐鼓何隆隆戈船豈無好身手令人咄咄頻書空座上逢君歸塞外示我新圖發光怪披圖衆製多崛奇就中詩數陳琳最恍如草檄醫我頭風來迅疾腕底驅雲雷有才如此紀韜

暑椽筆可勒燕然臺酒波光射晶杯綠魚膾羊羹事炮灼愛君
年少解從軍慷慨爲君盡三爵杞憂獨抱心區區回疆夷艇患
不殊君能窮邊馘回紇能馘海上盧循無便合戎軒膺薦牘助
令降旗海上卓豈徒財賦保東南齊魯蒼生胥受福故鄉來諭
君孝思黑頭那許簪纓辭轉輸況復舊勲在坐看顙脫囊中錐
短衣匹馬眞英雄三箭早挂天山弓削成太華朝夕對拔劍劍
氣騰長虹一幅圖一尊酒拉雜秦聲歌擊缶已覺毫端鬱律蛟
龍走生不願黃金高北斗但願櫓槍埽羣醜生不願八州六國
印在手但願入虎穴中批虎口敢笑董龍爾是何雞狗吁嗟垂
楊生在肘壯志消磨絕無有功伐輸君誌韓柳禮佛補陀老倦
行奏凱閩粵功早成島夷抒誠海波晏鏡歌聽唱和平聲

趙次閑出示水西送別圖蓋津門查氏爲其令祖淺山先

生作也並以淺山堂集見贈因用集中述舊詩韻奉題詩
雖不工而先友舊交睽睽難釋之懷於是寓焉

流觀得名蹟那計王與羊圖中寫羣賢餞飲初罷張河干競握
手餐飯勉自強是時菊生花水木含清蒼側思賢主人風度何
注汪結交盡尊宿健筆凌天閭吟壇百年歇夢斷蕉覆隍當年
此水邊日稅游客裴居家築別館紅杏枝過牆欽遲君令祖有
約維詩航角逐同隊魚歡咏縣星霜

吾鄉龍浦樊桐樹據諸丈皆先生友皆
當出水西莊此圖無詩蓋散佚者多矣

主人有述作評或加丹黃贈答輯同儕格律子細商倦游動歸

興揮手還故鄉

讀程氏史別淺山作知先生前後客津門者凡七年前游歸西泠
後游卽之任湖南此前游有意進坡諸君送別詩時尚未通籍也

枳棘

豈鳳棲雲路仍遠翔天人廷對策敷奏夜未央

無正以前廷試
例許給燭至夜

可惜

中祕書未許窺謨觴分符漢之廣誰謂不可方園園蒼梧雲灑
潤徧九湘至今清德頌揭石大道旁吏治首便民疇嗣歌瀏陽

先生成進士出幸湖南之瀏陽

君今紹祖芬文囿馳令望冥搜粹遺集失墜心徬徨

勿言淺山淺澤較丁沽長叔明爲作圖何異天香堂續題諸君

子皆逝良可傷

謂何大春潘登陳曼生郭頌如

是亦曠代才名其先哲揚工書富詞

藻匪徒守巾箱君曾與締交講習通凡將暇拈筆一枝足敵八百桑衣冠厭桎梏與俗區炎涼載誦北山移朱紱嘲斯皇

恭題

御賜南宋畫院林椿花鳥

丙子春散直內廷張鳳重華宮茶宴聯句所賜

林椿畫與趙昌儕金帶曾邀獎逸才記得早朝

茶宴罷五雲深處捧歸來

院畫

三朝冊待刊

余仿厲樊榭南宋院畫錄作國朝院畫錄二卷

笑佗樊榭拾叢殘太平盛事無聲

樂莫作宣和舊譜看

感事

廿載歸田里鷦鷯守一枝那堪頹老日翻值亂離時避難從何處餘生已可知先人墓廬在不是故遲遲
謨烈高千禩雍熙越五傳廟堂方鼎盛鄉遂偶屯邇此易驅除爾其猶拉朽然還期蒲柳質陳賀步花磚

題姚履堂大令遺翰

時平防守歎因循倉猝西夷擾海濱武不禦戎文徇節生能罵賊死成仁翠珉淳化雙鉤帖碧血萋宏萬古春聞道吳山建祠宇摩崖宜與伍公隣

春日秋峴招集見山樓

隔垣青楊枝門巷認何安底須車轉轂繞舍塵掘堞入門遵枳籬幾折趨向左主出導我行溪側徑穿瑣漁時方竭澤波影捲

澹沱短篷記前游於此曾振柁水軒新締構崖石疊鬼何富貴

人所歆徇俗君亦頗

水榭後主人新疊石種牡丹

看山共登樓拾級足愁跛繁香

逆鼻觀樓竟被花裏桃李弄新姿依舊嬌無那芳苞既叢綴老

榦或斜彈大地展春陽萬彙氣掀簸明湖比佳麗背立髮垂髻

靚妝禁靚面山把二喬鎖

謂巖外

卽景悟文章習見在堆垛鮮烹一

臠足取別毋取夥家庖雜園蔬味美菽兼窳解事賢使君醇釀

攜白墮

晉潘岳攜藥

追懷元龍豪雋語如炙輶粲花隨齒頰客盡笑顏

瑤嶽嶽張南軒名教欲肩荷彈章等束筭老亦性情情莊嚴與

游戲仙佛同證果不夷不惠閒位置儻容我酒酣客紛起我倦

但堅坐雕疏拓次第權作臥游可偏西榮幾稜方罨劃微楸迎

陽值初霽金鑄花萬朵迤南脩竹林勁節峙崔嵬清風灑然來

姿復變婀娜流光去難綰迅若箭飛筈俯仰今昔殊近事多坎

珂側聞瀕海郡烽尙連戰舸杞憂知徒然跋浪奈么麼斧柯不
在手持論口空哆對花盡一尊花似哀我痺身世可憐蟲螟蛉
嘲蜾蠃好春莫孤負時序又改火青楊如可鑽分我紅一顆

和高小垞吳山元慶山房賦樹影仍用樹衣詩韻

吳山多羽流陰陽善調燮陰爲樹畱影陽乃樹布葉誰將淡墨
幀亂向窗牖帖得毋頭米寫中有靈爽挾日暝忽潛藏追取仗
符牒雲開又徧散躲閃尙驚懾波明浮藻荇魚戲動鱗鬣仙乎
趙飛燕裊裊舞香氎是耶李夫人珊珊露裙褶捕之但空空埽
去仍疊疊藤纏曲蟠虵花繞旁綬蜨描摹姿亦妍搖漾魂欲攝
增明霞爛爛就閨風獵獵密如補無縫疎若紉有禡形荅神自
超聲繪理斯協對觀訝兩身諦審睇雙睫憑虛寫景難習靜談
禪愜節逢初夏佳吟鬪險韻捷簷前煙靄展襟上酒痕裏扁舟

憶舊游臨水一枝歷

題小蒼甘令尊甫所藏陳秋坪郡丞遺墨用孫平叔同年韻

晉賢墨妙人誰識
賴有侯芭寶遺蹟
新詩吟就自揮毫
坐令蘇黃少顏色
又聞善畫摹荆關
宦游圖載青城還
雲坳水曲境幽絕
花木想象超塵寰
虛齋把玩不停手
四十瑤篇光采走
齧峯地隔千里餘
過訪無緣載樽酒
邑侯芝宇何英英
東西浙傳廉且清
師資兩代紹家學
竹素暇娛無俗情
興公舊約重題次
松雪書承右軍字
被賺休教蕭翼同
永興聞說今畱寺